



Služba Općinskog načelnika i  
Općinskog vijeća

Broj: 02-04-1-1510/22

Datum, 28.07.2022. godine

### Z A P I S N I K

sa 18. redovne sjednice Općinskog vijeća Maglaj  
održane dana 28.07.2022. godine u 8:00 sati u Sali Općinskog vijeća  
JU Dom kulture «Edhem Mulabdić» Maglaj

**Dopredsjedavajuća Aida Bašić**, na osnovu člana 59. Poslovnika o radu Općinskog vijeća Maglaj, zaključaka Kolegija od 21.07.2022.godine, te Programa rada Općinskog vijeća za 2022. godinu, otvaram 18.redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH i samostalni vijećnici Elvir Vehabović i Mustafa Bešić.

Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnik u Domu naroda gospodin Jasminko Kapić, te zastupnica u Skupštini ZDK gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnika službe Općinskog načelnika i Općinskog vijeća da prozivkom vijećnika utvrdimo broj vijećnika na 18. redovnoj sjednici. Dakle na sjednici su prisutna svih 25 vijećnika. Konstatujem da Općinsko vijeće može punovažno raditi i odlučivati i donositi odluke, zaključke i rješenja čime se ispoštovan član 88. Poslovnika o radu Općinskog vijeća. Na današnjoj sjednici izvršit ćemo i verifikaciju Zapisnika sa predhodne sjednice vijeća. Ima li primjedbi? Nema. Na verifikaciju, odnosno na glasanje stavljam Zapisnik sa predhodne sjednice. Ko je za verifikaciju?

**Glasalo za**, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Fermić (DF), Aida Bašić (A-SDA), Maid Suljaković, Eldin Pehrat, Mirsad Bejić, Adis Abdurahmanović, Edin Salatović, Edin Osmić, Safet Jašić (SDA)

**Glasalo protiv**;nema.

**Uzdržanih**,nema.

Vijećnik Eldis Kusur nije prisutan u Sali za vrijeme glasanja.

Otvaram raspravu po pitanju Dnevnog reda. Da li ima prijedloga za proširenje? Izvolite. Samo sekundu, polahko. Znači što se tiče dnevnog reda ima jedna tehnička greška odnosi se na tačku 5. i

tiče se prezimena, nije prezime Mešić, nego po zahtjevu Eldina Husića. Otvaram rapravu. Ukoliko ima još nešto izvolite. Pehrat izvolite.

**Vijećnik Eldin Pehrat**, selamim i pozdravljam sve prisutne. U pozivu za 18. redovnu sjednicu Općinskog vijeća prva tačka glasi Izmjene i dopune Budžeta/Proračuna Općine Maglaja za 2022.godinu dok je naziv materijala koji smo dobili za sjednicu Odluka o izmjenama i dopunama Budžeta/Proračuna za 2022.godinu. Tražimo da se izmjeni naziv ove tačke u skladu sa materijalom.

**Dopredsjedavajuća Aida Bašić**, hvala, gospodin Fermić.

**Vijećnik Hajrudin Fermić**, pozdravljam sve prisutne i želim evo da danas radimo zaista efikasno i da do 11h završimo ovu sjednicu Opštinskog vijeća na najbolji i najefikasniji mogući način. Osim ove tehničke intervencije koju je iznio kolega Pehrat. Ja predlažem da prva tačka nosi naziv Nacrt Odluke o izmjeni i dopune Budžeta/Proračuna Općine Maglaja za 2022.godinu i pozivam sve na članove Zakona o budžetima koji regulišu način donošenja kako Budžeta tako i Odluka o izvršenju.

**Dopredsjedavajuća Aida Bašić**, hvala. Da li se javlja još neko? Tražim pauzu Kolegija 5 minuta. Hvala. Pauza za Klubove 5 minuta. Molim da predsjednici Klubova iznesu svoje stavove. Nema. Nakon rasprave o dnevnom redu imamo dva prijedloga. Jedan je došao od gospodina Eldina Pehrata a drugi od gospodina Fermića. Oba prijedloga ću staviti na glasanje. Prvi prijedlog tiče se znači izmjena naziva u sazivu za sjednicu koji nije isti kao što je u materijalu. Gospodin Pehrat je tražio da se usaglasi, znači da isto stoji u sazivu, odnosno da piše Odluka o izmjenama i dopunama Budžeta/Proračuna Općine Maglaj za 2022.godinu. Ko je za ?

**Glasalo za**, Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Hajrudin Fermić (DF), Aida Bašić (A-SDA), Maid Suljaković, Eldis Kusr, Eldin Pehrat, Mirsad Bežić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA)

**Glasalo protiv**; nema.

**Uzdržanih**, nema.

Jednoglasno usvojeno. Drugi prijedlog se tiče gospodina Fermića, odnosno traži gospodin Fermić da se radi Nacrt Odluke o izmjenama i dopunama Budžeta/Proračuna za 2022.godinu. Ko je za ovaj prijedlog?

**Glasalo za**: Hajrudin Fermić (DF), Maid Suljaković, Eldis Kusr, Eldin Pehrat, Mirsad Bežić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA), Elvir Vehabović (samostalni vijećnik)

**Glasalo protiv**: , Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA).

**Uzdržanih**, nema.

Prijedlog nije usvojen. Na osnovu toga predlažem sljedeći dnevni red:

## DNEVNI RED

1. Odluka o izmjenama i dopunama Budžeta/Proračuna Općine Maglaja za 2022.godinu;
2. Nacrt Odluke o usvajanju Nacrta djelimične izmjene Regulacionog plana „Liješnica“-Plan poslovno radne zone Liješnica (po zahtjevu Hajrudina Ahmetlića);
3. Nacrt Odluke o usvajanju djelimične izmjene Regulacionog plana Centar Maglaj-sjeverni dio (po zahtjevu Ragiba Bajrića);
4. Prijedlog Odluke o pristupanju djelimične izmjene Urbanističkog plana Kosova (po zahtjevu Elvira Mešića);
5. Prijedlog Odluke o pristupanju djelimične izmjene Urbanističkog plana Kosova (po zahtjevu Eldina Husića);

Ovakav dnevni red stavljam na glasanje. Ko je za ?

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA).

**Glasalo protiv:** Maid Suljaković, Eldis Kukur, Eldin Pehrat, Mirsad Bejzić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA),

**Uzdržanih:** Hajrudin Ferić (DF), Elvir Vehabović (samostalni vijećnik).

## **AD 1. Odluka o izmjenama i dopunama Budžeta/Proračuna Općine Maglaja za 2022.godinu;**

**Dopredsjedavajuća Aida Bašić**, prelazimo na prvu tačku a to je Odluka o izmjenama i dopunama Budžeta/Proračuna Općine Maglaja za 2022.godinu. uvodničar je tu, te ga pozivam da nam se obrati.

**Dženana Hadžiedhemović Grahić**, na samom početku želim sve da vas poselamim i pozdravim. Nadam se da ćete sjednicu uspješno okončati i ne tako dugo. Šalim se naravno. Koliko bude potrebe. Evo ovako, u materijalima ste dobili Odluku o izmjenama i dopunama Budžeta. Ono što je već svima poznato je li ali evo ja sam dužna da kažem ovdje za ovom govornicom ova Odluka znači njen cilj donošenja je prvi i osnovni a to je stanje, odnosno blokiran račun JU Dom kulture, čiji osnivač je Općinsko vijeće. Potom druga stvar je nastavak izgradnje poslovne zone Liješnice gdje su dobijena sredstva od Ministarstva privrede ZDK i gdje je obaveza Općine također da sufinansira određeni dio sredstava. Naravno pošto je nama interes ovaj nastavak izgradnje poslovne zone kako je to investicija koja je ranije otvorena u momentu donošenja Budžeta nije bilo izvrseno da će ovaj, da će se ta sredstva odobriti, tako da ih nismo mogli ni planirati u Budžet. To su dva osnovna razloga zbog kojih se donosi Odluka o izmjeni i dopuni Budžeta Općine Maglaj za 2022.godinu. sve druge izmjene koje se nalaze u okviru ove odluke a koje su vam vidljive kroz tabelarni prikaz tamo gdje dolazi do smanjenja ili do povećanja određenih pozicija koje su analitički razrađene i u prihodima i u razhodima nisu toliko značajne. Okosnicu čine znači ova dva razloga koja sam rekla i naravno u prihodovnom dijelu okosnicu čini ovaj prihod od PDV-a koji je Općina dužna uskladiti prema projekcijama koje dobijemo od Federalnog ministarstva finansija u mjesecu maju, znači svaka izmjena Budžeta koja se radi nakon što stignu te projekcije moraju se one uobziriti. Ono što još hoću da kažem mi Odluku o izmjeni i dopuni Budžeta donosimo po skraćenom postupku, evo kako sam već navela razglode ali isto tako da informišem vijeće da je Općina Maglaja tražila mišljenje od nadležnog kantonalnog Ministarstva finansija i dobila je pozitivno mišljenje. Mišljenje nije stiglo putem pošte u originalu do momenta slanja materijala, stiglo je meni na mail jučer. Ja ovdje imam ukoliko neko želi da pogleda mišljenje. Mišljenje je pozitivno i ono što još hoću da kažem da zaista svaki puta iz Ministarstva obavijeste nas i zahvale nam se na tome što poštujemo proceduru i svaki put tražimo mišljenje a prije samog traženja mišljenja ispoštujemo svu zakonsku regulativu koja kaže i nalaže da je tekući bilans pozitivan, da se poštuju projekcije Federalnog ministarstva finansija po osnovu indirektnih poreza itd. takođe donošenje Budžeta sad ja ne bih zaista da vam nabrajam. Ukoliko ima potrebe ja ću se osvrnuti na svaku stavku koja je povećana ili smanjena nije problem ali da ne trošim vaše vrijeme ja zaista ne vidim sad da ja trebam tu pojedinačno ovdje. Na svako pitanje ću da odgovorim. Ono još što hoću da kažem jeste da hitnost donošenja ove Odluke jeste činjenica da je sutra posljedni radni dan u mjesecu julu. Račun Doma kulture je blokiran neka me direktor ispravi čini mi se 13.juna ovako nešto, 15.-tog pardon. Znači da u julu mjesecu nije bila isplata plaće za mjesec juni. Ukoliko se ne donese Odluka o izmjeni i dopuni Budžeta danas i ne stupi na snagu sutra. Znači ukoliko Općina ne doznači Domu kulture sredstva po osnovu sudske presude kako bi se deblokirao račun. U tom slučaju u narednim mjesecima je li kada se donese imat ćemo situaciju da će doći najmanje dvije plaće, isplata dvije plaće u jednom mjesecu. Porezni odbitak, odnosno povlastica da se ne plaća porez ovaj ima pravo da se koristi samo na jednu plaću. Ukoliko bude isplata dvije plaće u jednom mjesecu u tom slučaju Dom kulture neće imati pravo koristiti porezni odbitak za drugu plaću te snosi troškove, odnosno naravno te troškove će je li i Općina i Dom kulture past će na njihov teret.

Morat će platiti te obaveze po osnovu poreza na dohodak. Zbog toga sve su to razlozi također evo direktor je tu, od Uprave za indirektno oporezivanje je pristigao dopis u kome je Dom kulture obaviješten naravno obzirom prema Zakonu o PDV-u da je obaveza plaćanja PDV-a do 10.-tog u mjesecu. Ukoliko se ne izvrši uplata PDV-a 10.-tog u mjesecu znači formira se obračunski list kamata gdje zaračunava zateznu kamatu plus kamatu koja ide na javne prihode na nivou federacije. To je već pristiglo u Dom kulture, znači već im teku obaveze po tom osnovu tako da sve su to nekako razlozi koji opravdavaju hitnost donošenja ove Odluke o izmjeni i dopuni. Naravno vi kao vijećnici svakako ćete se očitovati o tome. Ja sad ne znam koliko. Ako imate neko pitanje odmah da ja odgovorim, povećanje ili smanjenje neke pozicije ili ćete vi diskutovati pa ću ja odgovoriti.

**Dopredsjedavajuća Aida Bašić**, Dženana hvala vama za obrazloženje. Otvaramo raspravu i vijećnici će postavljati pitanja. Gospodin Fermić izvolite.

**Vijećnik Hajrudin Fermić**, naravno da sam ljut. Pokušat ću u tih 6 minuta da kažem ono što sam planirao i zapisao ovdje sebi ali čitajući Zapisnik Kolegija rekli ste dobro nemojte da predsjedavajući i zamjenik predsjedavajućeg kritikuju što kasne materijali. Činjenica je da je ovaj Budžet nama vijećnici dostavljen 5 i po dana prije sjednice vijeća. Dostavljen je u formi dakle Prijedloga Odluke, nije u formi prijedloga Nacrta Odluke.- za tih 5 i pol dana nismo imali prilike da se konsultujemo sa stručnjacima, sa privrednicima, sa socijalnim davateljima itd.itd. Naravno da je sasvim logično da se ja pozovem na članove Zakona i 37. i 92.itd koji kaže kako se donosi Budžet odnosno u kojoj proceduri. Donosi se u proceduri, rebalans Budžeta onako kako se i donosi Budžet. Samo malo molim vas , slušajte, ovo je važno mora slušati obrađivač materijala. Dakle ono što se stalno ovo vijeće ponižava tim kašnjenjem dostave materijala je činjenica koja već dugo traje. Gospođa Hadžiedhemović Grahić kaže ima ona mišljenje Ministarstva za finansije zakonska obaveza ovdje vam je propisana da to mišljenje dostavljate u pisanom obliku prilikom dostave Budžeta vijećnicima, odnosno vijeću. Isti ovaj slučaj desio se i kad smo usvajali Budžet za 2022.godinu, nismo imali mišljenja uz tekst Budžeta. Dakle ovaj zakon može da se koristi tamo kad zatreba, ne moraju određene odredbe da se koriste. Mi ćemo odnosno nekakvi pojedinci će procijenjivati kad ćemo primjenjivati zakon a kad nećemo. Dalje, ono što sam maloprije iznio na Kolegiju ja bogami pamtim i čitam, tako sam vidio da smo mi na prošloj sjednici...ovdje nas prepadate sa tim sutrašnjim datumom, neće moći radnici Doma kulture da dobiju plaće. Šta se čekalo do sada. Je li bilo na prošloj sjednici 30.-tog juna. Jel gospodin Bešić kao vijećnik rekao imam saznanja da je taj koji je dobio presudu spreman na određenu nagodbu i pomenuo 60-70 mjeseci. Predsjedavajuća je tada rekla imat ćemo informaciju, odnosno pismo koje je došlo tamo na vijeće a koje mi nikad nismo vidjeli od Doma kulture pa da o tome raspravljamo, da tražimo najbolja rješenja, da se ne dođe do ovoga. Dakle dva mjeseca gubimo ne zbog nas, zbog vijeća nego zbog nekog tamo. Nemojte to nama ovdje da fakturišete. Dalje, nije tačno ne znam šta je nejasno ovdje papire prijedloge ste za rješavanje problema Doma kulture odnosno ove sudske presude imali prije mjesec i po možda i dva , tamo u onoj službi. Bilo je na prošlom Kolegiju rečeno je nećemo to sada pripremati, nego za narednu sjednicu. Informaciju i pismo koje je Dom kulture uputio na vijeće sa zahtjevom da se pomogne. Mi nemamo pojma nikad nismo dobili to pismo, niti je bilo tada. Da ne gubim vrijeme više na Domu kulture, apsolutno sam za to da se pomogne ljudima ali nemojte da nas prepadate i da iznosite neistine ovdje. Frka je moramo to da uradimo dva dana,nije tačno da je to dva dana. Nije tačno da je najveći dio kad su u pitanju onaj da je sve uglavnom manje-više tehnički. Da su u pitanju tehničke izmjene osim ovih sredstava za poslovnu zonu Liješnica i evo za Dom kulture. Valjda trebamo neko pojašnjenje dobiti kad su u pitanju povećanje sredstava za radove, kapitalne radove po MZ-a gdje se 102.000,00 više planira u odnosu na plan iz 2020.godine jer mi ne znamo. Nije nam niko to napisao u obrazloženju jel se to prate cijene radova ili je to možda došlo do izmjene programa infrastrukturnih projekata, odnosno programa kapitalnih investicija na području opštine Maglaj. Ako je u pitanju program mi ga nismo imali na vijeću, ne znamo o čemu se radi. 102.000 nisu mala sredstva, trebali bi to da znamo. Također ovdje još određenih stvari...ono što također želim da upitam po izvršenju sudskih presuda, samo je 1300 maraka više ovaj planirano nego u odnosu na onaj početni dio od 2022.godine. ja ću pomenuti ovdje predmet TB Inžinjeringa d.o.o. protiv BiH, u presudi

Evropskog suda za ljudska prava od 02.07. pardon od jula mjeseca 2022.godine koji je objavljen u Službenim novinama BiH kao obaveza. U toj presudi Evropskog suda u pitanju je Općina Maglaj neizvršavanje izvršnih ovaj sudskih presuda više od 3 godine, 8 mjeseci i 27 dana, država je dužna da plati pored one glavnice, pored onih kamata i zateznih kamata koje datiraju u izvršnim presudama još 2018.godine.

**Dopredsjedavajuća Aida Bašić**, vrijeme gospodine Fermić.

**Vijećnik Hajrudin Fermić**, završavam i država BiH, dobila je rok od 3 mjeseca da ovu presudu kada je u pitanju TB protiv općine Maglaja realizuje riješi. To su sredstva od 200 i nešto hiljada maraka plus kamate plus zatezne kamate, plus sudski i advokatski troškovi itd.itd. Obzirom i na druge presude, pomenut ću ja presude još izvršne i kad su u pitanju članovi OIK-a i kad su inspekcije u pitanju i kada...itd.itd. Mislim da zaslužujemo ovdje da nam se kaže kakvo je stanje, kakve su obaveze Općine Maglaj po tom pitanju. Hoće li biti krivičnih i prijava jer neizvršavanje presuda je krivično djelo i na kraju krajeva planira li se uraditi kakav akcioni plan da se malo drugačije pristupi rješavanju izvrših presuda gdje je tužena, odnosno gdje je spor izgubila Općina Maglaj. Ima ovdje zaista toga da se priča, dosta toga da se diskutuje i sve u 5 i po dana kako smo dobili ovog materijala. Hvala lijepo.

**Dopredsjedavajuća Aida Bašić**, hvala gospodine Fermiću. Izvolite Svjetlana.

**Vijećnica Svjetlana Zamboni**, evo obzirom da ste kažete pročitali zapisnik sa Kolegija nadam se da ste pročitali također da se Kolegij usaglasio da prihvati prijedlog službe da se materijal dostavi u utorak kako je i učinjeno, u petak pardon. Znači to je bio stav Kolegija čiji vi niste član, dakle bilo je jednoglasno, tako da što se toga tiče. Nemojte molim vas više kad Kolegij i rekla sam i na Kolegiju, ako Kolegij dozvoli i ako smo jednoglasni u svom stavu po pitanju dostave materijala bez obzira šta piše na Poslovnik, neke stvari se žurno rješavaju i Kolegij stvarno ima razumjevanja da služba treba da kvalitetno odradi materijal. Bolje da dođe kvalitetan materijal nego bilo kakav. S druge strane spočitava se donošenje ove Odluke o izmjenama i dopunama Budžeta vezano za Dom kulture, direktor je rekao 15.juna je dakle blokiran račun, nakon čega je bio i onaj jedan Kolegij. Na samom Kolegiju došlo je pismo koje nije došlo na vijeće u momentu održavanja Kolegija nego je pismo iz službe koje je došlo na službu pročitano na samom Kolegiju. Tada sam i ja prvi puta za njega čula, Opet Kolegij jeste informisan o pismu koje je došlo, tako da je i ta informacija postoji. Očigledno informacija ne dođe na vrijeme do vas gospodine Fermić ali nije nepoznato i nije sakriveno. Pročitano je na Kolegiju. Treća stvar ovdje se radi suštinski samo o jednoj stvari, hoćemo li mi pomoći Domu kulture ili nećemo. Ja ne znam šta mi sada ovdje razglabamo o procedurama ovakvim ili onakvim, praksa je svakakva, Maid je rekao evo i na Kolegiju, svakakva praksa se dešava na svim nivoima vlasti. Naš je zadatak i obaveza da pomognemo Domu kulture, čiji smo osnivač. Jedno jedino pitanje ovdje je bitno a to je želimo li mi omogućiti ovoj ustanovi da nastavi raditi to je jedino i suštinsko pitanje. Da li je bio Nacrt, nije bio Nacrt mislim da su to manje bitna pitanja. Ja lično evo preuzimam kao vijećnica odgovornost za to što nije bio Nacrt, nadam se da će i drugi vijećnici također postupiti na isti način i da shvataju ozbiljnost situacije. Ovo je ustanova koja je od vitalnog značaja za Općinu Maglaj, to znamo svi kroz dugi niz godina i kroz ovo što slijedi u toku ljeta. Znači hoćemo li onemogućiti ovom Domu kulture da funkcioniše i da da ono bogastvo ovom gradu koji je uvijek Dom kulture i davao. To je jedino pitanje koje treba da se postavi danas a ako ćemo raspravljati o Domu kulture hajte da uđemo onda u problematiku zašto je došlo do ovog problema. Kako je došlo do ovog problema. Gospođa Bradarić je tu, predsjednica Upravnog odbora iz perioda kada je tužba pokrenuta. Znači ono što je bitno naglasiti jeste da se tužba tiče perioda koji se ne tiče mandata gospodina Mahmutagića niti ovog saziva vijeća. Znači, tužba se tiče perioda prije nego je postavljen novi Upravni odbor, znači ne tiče se perioda od kako mandat ima gospodin Dunđer ili mandata u kojem sam ja bila direktorica. Tiče se perioda prije toga. Ako treba reći ko je tada sjedio na čelu nije ni to problem. Znači, ako ćemo raspravljati o Domu kulture raspravljat ćemo nije nikakav problem, mislim da ovdje ima i direktor i predsjednica Upravnog odbora i direktor je dobio i ovlaštenje da zastupa ovaj da govori u ime ustanove od strane predsjednika Upravnog odbora. Evo otvorit ćemo i tu diskusiju ali hajte da se vratimo na suštinu. Suština je hoćemo li mi pomoći svojoj ustanovi JU

Dom kulture Edhem Mulabdić Maglaj danas ili nećemo. Da ne razglamo više o procedurama i da ne razglabamo šta piše, gdje piše jel došlo,. Jel dostavljeno ili nije dostavljeno. Eto toliko.

**Dopredsjedavajuća Aida Bašić**, hvala. Gospodin Fermić izvolite.

**Vijećnik Hajrudin Fermić(ispravka krivog navoda)**, na prošloj sjednici Općinskog vijeća kolega Kusr je postavio pitanje kako to, odkud to da Kolegij uzima sebi određena prava i kompetencije za koje ni po kom osnovu nije nadležan ni po zakonu ni po statutu, ni poslovniku i da on odlučuje o nekim pitanjima za koje je nadležno isključivo vijeće. Dakle predsjedavajuća još jedanput kažem Kolegij nema pravo da odlučuje o bilo kojim stvarima niti da zadržava kod sebe, niti da sakriva kod sebe, niti da tumači nešto što je zakonska obaveza ovog Opštinskog vijeća. Zakonska obaveza i nema toga Poslovnika i nema tog Kolegija, a pogotovo tog Kolegija koji može da izbriše gumicom bilo koju odredbu člana zakona. Lijepo sam pročitao koji članovi zakona regulišu način donošenja postupka Budžeta. Kakav Kolegij, rekli mi nećemo. Pa pomenuli ste Kolegij. Rekli ste mi smo jedinstveni bili hajmo da idemo ovako. Ja govorim nekoliko puta spominjete Kolegij i dobili ste ta pisma i nikad nista udostojili se da postavite posebnu tačku dnevnog reda ovdje problematika Doma kulture kao način iznalaženja rješenja, blagovremenog rješenja da se dolazi. Govorite o izvršnoj presudi koja je donesena sredinom juna, pa postoje i predradnje i uvodi za tu konačnu presudu koja je donesena tada i tada te sredine juna. Dakle nemojte da Kolegij uzima nešto, uzurpira, zloupotrebljava svoje nekakva ovlaštenja i da krši zakon. Poštujte zakon, poštujte poslovnike. Nemojte da dalje idemo u taj problem. Također želim ovdje da naglasim jeste pitanje pomoći i podrške Domu kulture i ja sam za i glasat ću za ali sve ostalo, sve ostalo način kako dolazi to na vijeće i ova druga pitanja koja sam postavio a za koja evo nadam se da ću i dobiti odgovore. Ipak daju meni kao vijećniku pravo da čujemo svi ovdje zajedno odgovore i da na kraju krajeva možemo i javnost o tome informisati.

**Dopredsjedavajuća Aida Bašić**, hvala Fermiću, izvolite Svjetlana.

**Vijećnica Svjetlana Zamboni**,evo ja sam upravo htjela naglasiti kada smo pomagali televiziji sa 18.000 koja je privatna, nije bio nikakav problem a sada kad govorimo o svojoj javnoj ustanovi pravimo frku ni oko čega. Hoću da napravim ispravku krivog navoda, pozvali ste se na moje izlaganje i rekli da smo mi na Kolegiju odlučili da će to biti Nacrt nije tačno. Na Kolegiju je odlučeno, odnosno dogovoreno i usaglašeno da prihvatamo da se materijal dostavi u petak. To jedina odluka Kolegija bila. Bilo je ponuđeno da sjednica bude u petak 7 dana, od tog momenta svi smo se dogovorili, usaglasili da sjednica ipak bude u četvrtak i neka manjka taj jedan dan u dostavi. Mislim da nije toliko opširan dnevni red da se nije mogao Budžet iščitati u toku vikenda već a kamoli u toku cijele sedmice. Ono što sam htjela još da dodam zapravo jeste član 15.osnivačkog akta Doma kulture koji kaže Dom kulture je odgovoran za svoje obaveze sredstvima sa kojima raspolaže, stav 2.osnivač za obaveze Doma kulture odgovara supsidijarno u skladu sa zakonom. Sasvim je jasno šta je naša obaveza...jezičara pokušavate ispraviti Begiću jel..dakle sasvim je jasno šta je naša obaveza na današnjoj sjednici i gdje leži obaveza Općinskog vijeća a mi smo osnivač Doma kulture.

**Dopredsjedavajuća Aida Bašić**, hvala Svjetlana. Gospodin Bešić se javio za riječ, izvolite.

**Vijećnik Mustafa Bešić**, evo ja vas sve selamim i pozdravljam pošto izlazim prvi put. Znači imamo danas tačku dnevnog reda Budžet, znači rebalans Budžeta. Hoćemo pomoći Domu kulture, uposlenicima, radnicima ali hoćemo da znamo istinu. Ko je prouzrokovao ovo stanje što je došlo do ovoga. Od kojeg perioda tražim informaciju, evo čuo sam da ima ovdje Upravni odbor ali tražim tačnu informaciju. Oni koji nemaju informaciju ne trebaju ni odgovarati., znači oko neću. Znači od koje perioda je došlo do pokretanja tužbe. Šta je poruzrokovalo da se ovolika sredstva 51 hiljada 50.700 KM mora isplatiti iz Budžeta Općine, to su sredstva svihu nas, ljudi općine Maglaj. Ne mogu da ne reagujem, na prošloj sjednici sam ovdje pokrenuo pitanje i tražim evo ovdje informaciju gdje je bio i kolega koji je dobio tužbu. Znači pravosnažna tužba gdje se moraju isplatiti sredstva, nema zafkancije. Šta hoću da uvedem, bio sam na Kolegiju prija sjednice gdje smo dobili informaciju da Jasmin Bilić neće da pristane na te tranše na 60 ...evo momak je prošli puta na vijeću bio ovdje i rekao je da on pristaje sve. Pristaje na 60, niste bili direktore možda na prošloj al on je bio tu i rekao je ovdje javno znate. Rekao je ovdje sjedio je da pristaje...dobro

hajdi nema veze. Šta me još potiče znači tražim ovu informaciju nama je rečeno ovdje da će se obrazložiti sve po pitanju toga. Znači, neću čula kazala hoću ime i prezime. Ako imamo mi pravo da vijećnici znaju svi ko je i zašto prouzrokovao i zbog čega. Možda je nesvjesno neko i to ima. Šta hoću još da kažem. Ja sam na...ovo se mene jako tiče ja sam na Kolegiju samo pitao hoće li iko snositi odgovornost ljudi nećete vjerovati koju sam ja imao problematiku kasnije, mobing odavdje predsjedavajuća moram joj kazati šta je se na mene izvršilo. Gdje je na mene direktor moj znači ja sam uposlenik KJD Maglaj ali kao vijećnik i ovdje djelujem ...to je znači dvije različite...kad dobijem materijal ja kao vijećnik ja mislim da imam pravo da raspravljam po materijalu. Znači gdje sam ja izvadio tamo zapisnik evo Emina je bila šta sam ja kazao? Znači ni jednog momenta nisam spomenuo nikoga. Koje sam ja imao procedure. Ja sam morao znači morao prijaviti u policiju. Morao sam ići i u hitnu. Deset dana na bolovanju znači imao sam dvije opcije, toliki sam pritisak mobing. Znači šta je mobing? Znamo što kažeš ovdje ne smiješ govoriti...ja se nikad nikad nisam bojao. Znači nema te cijene ko će mene..samo su me ojačali sad neki ljudi. Neću se povući nema šanse. Borit ću se do kraja za svoje pravo i za ljude ovdje. Ja sam izabran ovdje.

**Dopredsjedavajuća Aida Bašić**, gospodine Bešiću držite se teme.

**Vijećnik Mustafa Bešić**, evo držim se ja teme, ovo je za temu vezano. Za temu vezano znači na mene je mobing vršen što sam ja ovdje iznio, što sam pokrenuo što sam...evo ja vas pitam ovdje javno imam li ja pravo kao vijećnik evo meni je sad...imam li pravo da pričam o materijalu koji dobijem.

**Dopredsjedavajuća Aida Bašić**, pa evo pričate.

**Vijećnik Mustafa Bešić**, ali hoću da vam kažem šta se dešava znači ovo je strašno...evo toliko i hvala.

**Dopredsjedavajuća Aida Bašić**, hvala lijepo. Da li se još neko javlja za diskusiju. gospodine Jašić izvolite.

**Vijećnik Safet Jašić**,evo ja selamim i pozdravljam sve prisutne i ovo danas što se događa oko JU Dom kulture mislim da će to ići zaredom sve javne ustanove. Ni jedna javna ustanova nema neriješenih problema. Problema će biti vidjeli ste i prošli puta nekoliko javnih ustanova slično ovome tako da mislim da ovdje nema opravdanja previše. Direktori su postavljeni na taj način kako su postavljeni, Upravni odbori ja mislim da to treba da funkcioniše na najbolji mogući način. Izašao sam iz razloga što možda je gospodin Bešić malo dotakao se ovoga kad je predsjedavajuća rekla da dug nije nastao iz period ni načelnika gospodina Mahmutagića niti iz mandata Upravnog odbora itd. mi bi iz Kluba volili da mi to vidimo je li to zaista.... Ispada da je to je to iz mandata načelnika SDA. Sve je otišlo lijepo u javnost u eter i šta će kazati evo to su oni tamo što su bili, napravili to što su napravili. Mi tražimo ovdje iz Kluba da nam se dokaže da je to iz toga perioda i prihvatamo krivicu. U suprotnom tražimo izvinjenje pa ne može se po jednoj partiji da izvinete i pričati ono što nije...odnosno brigo moja pređi na drugoga. Odnosno svi su krivi samo ja nisam. Ne ako krivca tražimo i ja sam za to da se pomogne svakoj javnoj ustanovi pa i Domu kulture, dokažite nam i tražimo u međuvremenu pauzu da se to kaže i neka slobodno izađe sa argumentom da je to napravio neko iz predhodnih perioda. Toliko .

**Dopredsjedavajuća Aida Bašić**, hvala Jašiću, načelniče prije vas gospodin Suljaković.

**Vijećnik Maid Suljaković**,selamim i pozdravljam sve prisutne. Ja bih se prvo referisao na izlaganje predsjedavajuće i dopunio bih rečenicu koju sam ja rekao na Kolegiju. Dakle ja sam rekao da se dešavaju razne stvari na višim, nižim nivoima ali da sam ja protiv toga. Da smo mi ovdje izabrani na ovom nivou i da to ne treba biti nama izgovor da mi kršimo zakon, odnosno da ne radimo po procedurama. To je bila moja puna rečenica. Kada je u pitanju Kolegij za kažnjenje materijala također nije istina da je bilo jednoglasno, ja sam vam rekao da sma izričito protiv toga da se ne poštuje Poslovnik i da se materijali dostavljaju na vrijeme kako je propisano a da vi imate većinu i vi ćete uvijek u većini reći da je to bilo dva dana i naglasit ćete da je to stav Kolegija. Kada je u pitanju ovaj dokument mi smo također mišljenja da bi trebali ići po principu i u formi Nacrta da se odredi rok od 20 dana za javnu raspravu kako bi se sagledali svi aspekti i kvalitetno se usmjerila sredstva za akutne potrebe stanovništva u ovim kriznim periodima. Nisu samo općinski

uposlenici i naše ustanove, nisu jedino oni ti koji trpe ove povišice također su i naši stanovnici koji su socijalne kategorije oni kojima sve teže i teže da finansiraju svoje osnovne potrebe. Zbog toga predlažem da se i iz dijela viška da se usmjere sredstva u tom pravcu. Obzirom da ste već izglasali da neće biti Nacrt, kolege će dostavljati prijedloge u koje svrhe da se usmjere ova sredstva. Kada govorimo o pomoći našoj javnoj ustanovi rekao bih prvo da mi nemamo ovdje detaljnu informaciju, da nam direktori ili član Upravnog odbora predstavi kompletan problem i ne bi bio onda da se izjasnimo na koji način da pomognemo toj ustanovi. Ovako šaljem poruku da neka griješi ko god hoće i kako hoće, neka zloupotrebljava svoju poziciju, neka pravi i troškove, doći će na vijeće koliko 100.000 mi ćemo izdvojiti sredstva bez da nas zanima šta je pravi razlog. Aposlutno ne bježim od toga da mi trebamo pomoći našoj javnu ustanovi. To je dio svih nas eto toliko, hvala.

**Dopredsjedavajuća Aida Bašić**, hvala gospodine Maide. Načelnice izvolite.

**Načelnik Mirsad Mahmutagić**, srdačan pozdrav svim prisutnim evo malo je napolju razhladilo valjda ćemo u ugodnom okruženju relizovati ovu današnju sjednicu. Ja neću puno se osvrutati na ovu temu- želim reći nekoliko stvari a imaju tu aktuelni direktor, ima bivša direktorica pa mislim i ako treba direktorica prije vrlo jednostavno može doći na ovu sjednicu da se iznesu sve činjenice. Prije nego što nastavim u ovom dijelu da kažem kratko svoje mišljenje, želim reći vijećniku Bešiću da je malo jasnije, nikakav mobing od načelnika ni političkih partija. Vijećnik ima pravo da diskutuje da postavlja pitanja, pokreće inicijative prema tome i vi i bilo koji radite u skladu sa svojom savješću, ovo govorim zbog gledatelja, zbog javnosti. Što se tiče javnih ustanova imali ste situaciju i ranije da su se pomagale javne ustanove. Nekad je Centar za socijalni rad bio zabrljo, nisu se isplaćivali porezi, nego su isplaćivali sebi veće plate pa je Općina poslije intervenisala pa to popravila. Imali smo situaciju sa RTV Maglaj koju je neko uvukao u dubiozu sa stotinama hiljada dugovanja. Iako je privatno preduzeće je li, Općina je interevenisala da spasi jer je to od interesa naših sugrađana. Imamo situaciju i Doma kulture. Ja ću slikovito u nekoliko rečenica da kažem ono što ja znam. Dakle nekad početkom 2000-tih godina gospodin bivši direktor Jusfbašić Mustafa mislim da ne griješim je dobio na sudu JU Dom kulture po važećem pravilniku koji je bio u ustanovi. Od tih godina do poslije može bivša predsjednica Upravnog odbora da preciznije datume nikad pravilnik taj nije promijenjen dakle iako je sud presudio u korist uposlenika, odnosno bivšeg direktora po tom pravilniku nikad ni jedan Upravni odbor niti bivša direktorica je pokrenula proceduru izmjene pravilnika. 2016.godine sa smjenom vlašću sa mojim dolaskom, nismo smijenili ni Upravne odbore, istekao im je mandat, nismo smijenili ni direktore istekao im je mandat. Ni tada nisu promijenili pravilnike. Pravilnik je promijenjen kad je došao novi Upravni odbor, odnosno to je sada već prošli saziv Upravnog odbora i kada je došla nova direktorica, poslije je bilo još intervencija u pravilniku oko koeficijenata. Dakle direktor, odnosno dugogodišnja direktorica Rašida Muhić je imala obavezu kao direktor ustanove da pokrene izmjenu pravilnika. Raniji saziv Upravnih odbora su to trebali završiti i uskladiti ga sa zakonom i do ovoga ne bi došlo. Onda dolazimo u situaciju da pravnik ustanove Bilić koji je trebao da štiti zakonitost rada ustanove po tom pravilniku koji nije dao na vrijeme da se mijenja, nije upoznao Upravne odbore. Po tom pravilniku sam tuži ustanovu od koje živi i u kojoj kreirao zakonska rješenja ili je bar trebalo kao pravnik u ustanovi da kreira zakonska rješenja i dobio je presudu za maksimalan period tri godine unazad od momenta tužbe. Nakon izmjene pravilnika isti pravnik to će vam svjedočiti predsjednica Upravnog odbora, isti pravnik je lažirao svoj koeficijent, svoj platni koeficijent i podvalio predsjednici Upravnog odbora da potpiše zapisnik sa izmjenjenom jednom stranicom, to će vam svjedočiti ovdje gospođica Bradarić. Dobio je presudu i da vam kažem svi uposlenici Doma kulutre svi su imali istu mogućnost da po tom pravilniku koji nije usklađen sa zakonom tuže ustanovu i da svi naplate unazad tri godine razlike. Sad smo došli u situaciju da je Dom kulture u takvoj situaciji kakvoj jeste i s obzirom da se bliži je li i izborna kampanja sad bi ovdje svi politilizirali ne znaju ništa a svi znate sve. Znate sve detalje. Evo tražite odgovornost, idite danas kao vijećnik tražite odgovornost onih koji nisu uskladili pravilnik sa zakonom. Pravilnik po kojem je ranije već bila donesena presuda, neka ide ali vi kao osnivači javne ustanove ste dužni da vodite računa o javnoj ustanovi. Zbog toga trebamo pomoći, riješiti po



ovoj prvoj tački dnevnog reda, dakle sve ove ostale su na neki način kozmetičke izmjene. Zna da je poskupio pelet, da je poskupila struja, znate da je poskupio prijevoz i zato vam je otišlo i na sportu nekih 20-tak hiljada. Gospođa Grahić je objasnila i ovaj dio koji se odnosi na 8 u Budžetu i dakle a ko nije sposoban za pet dana da analizira pet izmjena u Budžetu, vjerujte nije do mene. Ono što na kraju želim podvući Kolegij je bio u četvrtak, na Kolegiju je rečeno da će materijal biti u petak. Možete sjednicu imati sljedeći petak i da bude tih sedam dana za 5-6 tačaka ili ćete sjednicu u četvrtak. Izbjegavamo održavanje sjednica petkom, prihvaćeno je većinom glasova da sjednica bude u četvrtak, da se materijal dostavi u petak. Mislim čak su bile odluke za Kosovo da se mogu dostaviti do utorka. To su samo odluke o pokretanju procedure i one su dostavljene u petak. Jel tako bilo? Hvala.

**Dopredsjedavajuća Aida Bašić**, hvala načelniče, gospodin Salatović.

**Vijećnik Edin Salatović**, selamim i pozdravljam sve. Ja ću u malo drugčijem tonu pa Klub vijećnika SDA predlaže da se iznos od 10.000 KM umjesto na kategoriju troška ostale neposmenute usluge je analitički dio 613991, višak sredstava prebaci na subvenciju prevoza đaka analitički dio 23- svjesni trenutka u kojem se nalazimo i poskupljenja svih životnih namirnica, energije i drugih mišljenja smo da na ovaj način trebamo pokazati empatiju prema porodicama koje školuju djecu u na način da ćemo sufinansirati dio mjesečne karte našim srednoškolicima a što bi najviše pomoglo mještanima udaljeniji MZ-a koje danas građani moraju plaćati i jedan veliki dio svog kućnog Budžeta izdvajati za prevoz tih đaka. Mislim da bi se trebalo pomoći tim građanima. Hvala .

**Dopredsjedavajuća Aida Bašić**, hvala. Gospodi Vehabović.

**Vijećnik Elvir Vehabović**,prvo da vas sve pozdravim. Ja sam ovdje ostao malo frapiran jednom činjenicom gdje se izašlo za govornicu i reklo da je neko lažirao papir. Pa gospodo draga ima sud i za to. Nemojte paušalno, nemojte se...a zašto to govorim opet se vraćam na sebe i za mene se tvrdilo da tamo smanjujem kaže osnivački kapital ustanove. Nemojte paušalni ocjena, govorite s papirima.

**Dopredsjedavajuća Aida Bašić**, hvala gospodine Vehabović, gospodin Abdurahmanović.

**Vijećnik Adis Abdurahmanović**, selamim i pozdravljam sve prisutne. U materijalu koji smo dobili nastali viškovi sredstva usmjereni su za potrebe troškova koji ne predstavljaju egzistencijalnu važnu stvar, npr. povećavaju se kapitalni transferi MZ-a analitički dio 615117 u iznosu od 102.000,00 KM u ovom slučaju bitno je napomenuti činjenicu da je u ovu svrhu već planirano 370.000,00 KM i da nam ovo nije i ne smije biti prioritet dok nam građani gladuju i strahuju od nestašice hrane. Moramo se pomjeriti s nulte tačke i podstaći naše proizvođače da proizvedemo što veće količine hrane. S tim u vezi predlažem da se u prijedlog uvrsti 100.000,00 KM dodatno za kategoriju subvencije za poljoprivredu analitički dio 614414 u svrhu jesenje sjetve žitarica, prvenstveno pšenica i ječam. Te da se javni poziv objavi što ranije kako bismo na vrijeme stigli da realizujemo ovu aktivnost.

**Dopredsjedavajuća Aida Bašić**, hvala, gospodin Jašić.

**Vijećnik Safet Jašić**, kada već pričamo o dokumentu koji smo dobili ja sam maloprije iskoristio priliku pa izašao zbog krivog navoda a sad ću kratko reći kada je u pitanju ovaj materijal. Općinska služba je dostavila prijedlog dokumenta kojeg su u administraciji planira povećanje sredstava za energiju, struju, te povećanje izdataka za ogrjev, PTT usluge u iznosu od 22.000,00 KM. Nova realnost i ukazana potreba što možemo razumjeti i podržavamo isto. Naši općinski službenici moraju imati adekvatne uslove za rad ne smije se dozvoliti da zbog lošeg planiranja isti rade u hladnim i neuslovnim prostorijama. Također dužni smo da brinemo i o našim građanima posebno onim socijalno ugroženim i slabijim kategorijama ljudi. Oni kao i svi mi tu su pod teškim pritiskom uzrokovanim poskupljenjima , stoga predlažemo da se dio viška sredstava ako već postoji u iznosu od 50.000,00 KM usmjeri na socijalno ugrožene kategorijama, penzionerima i brocima u svrhu obezbjeđenja dovoljne količine hrane i ogrijeva pošto vidimo da ogrijev je aktuelan. Vidimo da sredstava ima i da li će biti i volje i u vijeću i koliko je ove kategorije bitne to ćemo vidjeti. Zaboravio sam naočale i koristim tuđe, izvinjavam se ako sam nešto...još nešto dodatno ja kada je u pitanju evo kolega je pročitao da je više planirano sredstava u infrastrukturu

za 100 hiljada a po ovome pitanju ja ako bi se već išlo u ove, mada ne mislim da će dobiti podršku predložio bih da se formira neka komisija tako da ne bi te kategorije sve isti ljudi dobijali do beskonačno jednokratne pomoći. Da se formira neka komisija koja bi to odradila na najbolji način. Kad su u pitanju infrastrukturni objekti, odnosno struktura uopće ja želim da vam kažem da MZ Kopice ima otprilike nekih sigurnih sredstava 70.000,00 KM za društveni dom i to bi značilo po predračunu da se to ozida onaj drugi dio i da se pokrije. Ovom prilikom bih zamolio da ako već ima sredstava za infrastrukturu da se nekih ne znam koji će to biti predračun da Općina Maglaj izdvoji jedan dio sredstava i da se zatvori to stolarijom. Je li to 20 ili 30 hiljada neću bubati dok se ne bi ovo uradilo. Ova sredstva da se utroše 80.000 i mislim da bi to bilo onaj zaista nešto...dobit ćemo jedan kapitalan objekat ne samo MZ Kopice nego većina sa općine Maglaj će koristiti te prostorije i ja vam garantujem i evo ovo je jedna molba, mislim da bi sa ovim zaokružili što se tiče ove godine. Želim također da kažem da smo napravili projekat izrade projekta puta onaj do tog društvenog doma i tu imamo svoja, neke linije, volio bih kad bi to moglo ići sve preko općine. Znam ja da su sredstva nedostatna ali mislim kad je ova stolarija u pitanju da bi ovdje trebali obratiti pažnju.

**Dopredsjedavajuća Aida Bašić**, hvala gospodine Jašiću. Ima li još prijavljivih diskutanata? Nema. Molim gospođu Dženanu da ponudi odgovore gospodinu Fermiću i svim ostalim vijećnicima.

**Dženana Hadžiedhemović Grahić**, ja se nadam da sam sve zapisala. Diskutovanje od toga zašto je Prijedlog zašto nije Nacrt ja smatram da sam u uvodu rekla zaista ne bih se više osvrkala. Navela sam šta su to razlozi, kolega Maid je rekao ovaj za ne treba nam biti mjerilo drugi nivoi jeste ali isto tako jako dobro zna vijeće da svaki puta kada Budžet donosimo, znači postoji i Nacrt i javne rasprave i vaši prijedlozi i amandmani kako već i na kraju idemo sa konačnim prijedlogom. Tako da ova hitnost i sam razlog donošenja ovog Budžeta smatram da je dovoljan argument da ja tu ne trebam ništa dalje objašnjavati vi kao vijećnici svakako ćete svoju riječ, završnu riječ reći je li. Gospodin Fermić kaže za mišljenje, pa znate kako ja sam uputila prema ministarstvu zahtjev za mišljenje ali ja zaista ne mogu uticati kada će kolege gore izraditi mišljenje, kada će ministar potpisati mišljenje. Mišljenje je došlo meni jučer na mail i ja nisam, ok prihvatam krivicu da nisam možda jučer vam prosljedila to mišljenje, ja sam mišljenje kopirala, ponijela sam ovdje kod sebe ukoliko neko bude tražio a sve ono što sam rekla...jer ja za govornicom govorim uvijek samo ono što je istina, nikada ne govorim ništa drugačije tako da ne bih sebi dozvolila da kažem nešto drugačije nego što piše u mišljenju, zakonu ili bilo čemu drugom. Pitali ste za sudske presude, zašto je samo iznos od 1.300,00, prema Zakonu o izvršnom postupku koji je definisao procent koji se najmanje planira za sudske presude mi u našem Budžetu Općine Maglaj kao najnižem nivou vlasti nemamo mogućnosti trenutno da planiramo na sudskim presudama značajnija sredstva osim ona koja su zakonom definisana. Odnosno procent koji je utvrđen u skladu sa zakonom to je čini mi se bilo što se tiče gospodina Fermića ja ne znam nisam stigla možda nešto zapisati ako je bilo ponovite molim vas. Gospodin Salatović pozicija 613991-6 ostale nespomenute usluge, ja sam više puta kad sam ja izlagala Budžet i Izvještaj o izvršenju Budžeta svaki puta ponovim poziciju 613991, to je pozicija ostale nespomenute usluge. Te usluge su razne pretvorbe zemljišta recimo koje su potreba MZ-a ili potreba općine koje tamo u Službi za urbanizam evo kolegice su tu pa znaju malo bolje. Znači na ovu poziciju se knjiže te stvari, potom saglasnosti kada recimo radimo bilo koju Poslovnu zonu pa ne znam trebaju nam ili bilo gdje kad prolazi ovaj put pa nam treba suglasnost Elektroprivrede, BH Pošte itd. znači svi ti troškovi odnosno sve te fakture knjiže se na ovu poziciju. To su razlozi zašto se ova pozicija uvećava jer smo u ovoj godini imali znači više na ovim troškovima jer prošle godine postupci neki koji su započeti nisu bili okončani u prošloj godini tako da nismo mogli ih knjižiti nismo mogli mi plaćati tako da su oni ostali za ovu godinu. Gospodin Adis pozicija 615117 uvećana je iz razloga obzirom da su MZ-a evo kolegica Eldina je tu, obzirom da ne ona predstavljala taj projekat MZ-a sa UNDP-om gdje čini mi se pet ako se ne varam MZ-a prošlo na projektu. To su kapitalni projekti MZ-a koje su oni aplicirali prema UNDP-u ja u ovom momentu ne mogu vam reći ništa detaljnije a Općina je obavezna sufinansirati dio tih sredstava. Kad kažem detaljnije mislim u smislu da sad kažem šta je projekat u kojoj MZ-a. Da li

je to ne znam dječije igralište, da li je to put, ne znam. Sve su stvari koje su kapitalne stvari za MZ-u. Zbog toga je ovaj iznos uvećan na ovoj poziciji a jednim dijelom je uvećan zbog povećanja...da da a Općina će provoditi postupke javnih nabavki, UNDP će svoja sredstva doznačiti u Budžet Općine Maglaja Općina će onda zajedno sa svojim sredstvima provoditi postupke javnih nabavki prema apliciranim projektima tih MZ-a. Pominjali smo, gospodin Jašić je pominjao ja sad nisam stigla sve napisati povećanje na peletu, na...ono što je sasvim prirodno ja sam to tamo rekla sad na sjednici Kolegija je li, ono što je sasvim prirodno je bilo da se uveća kad već radimo Odluku o izmjenama a i dopunama Budžeta bilo je da se uveća pozicija recimo na peletu, na troškovima električne energije. Obzirom da kad smo donosili Budžet nije bilo, znači tada su bile sasvim druge cijene za pelet a trenutna tržišna cijena peleta je između 650 i 680 KM . Uvažavajući, molim vas samo da završim, uvažavajući potrebe Općine Maglaj za grejnu sezonu i trenutnu tržišnu cijenu mi moramo uskladiti taj plan u Budžetu. Kamo sreće da ta cijena bude daleko niža i nama bi vjerujte bilo to povoljnije. Također električna energija u momentu donošenja Budžeta električna energija za pravna lica nije došlo do poskupljenja međutim uzrokovanom globalnom hajmo reći krizom i ratom u Ukrajini došlo je do poremećaja tržišta između ostalo došlo i do poskupljenja električne energije za pravna lica, te je to razlog zašto se uvećava to je iznos za 2.500,00 KM čini mi se otrpilike do kraja godine da će doći do povećanja. To su pitanja koja sam ja zapisala ukoliko vi imate ovaj još neko pitanje ja ću rado...

**Dopredsjedavajuća Aida Bašić**, hvala Dženana, gospodin Ferić izvolite.

**Vijećnik Hajrudin Ferić**, replika gospođi Grahić, ovdje nije stvar povjerenja ja zaista vama vjerujem jer nema razloga apsolutno da ne vjerujem ali ako ćemo po toj analogiji onda nam niste trebali ni dostavljati Budžet jer mi vam vjerujemo. Pa ne, postavljam pitanje zašto postoje formalne procedure da ih poštujemo, zašto postoje zakoni nego da ih kršimo ili provodimo. Zašto postoji određeni papiri, mailovi itd. kako nam znate dostaviti u roku od 24h mogli ste nam i to mišljenje dostaviti. Dakle nije prvi put ja to govorim. Druga stvar nisam čuo ovdje obrazloženje šta je sa ovih 102.000,00 maraka što se povećavaju za kapitalne. Nisam ja čuo, ja kažem nisam čuo nije mi dovoljno jasno glup sam. Trebalo mi je pet i po dana da protumačim Budžet. Pet i po dana mi je trebalo, nemojte dobacivati molim vas dajte da završimo. Ja govorim ovdje da mi je pet i po dana trebalo da Budžet malo pretabirim, da nađem određene i odgovarajuće odgovore. Ja još uvijek nisam čuo odgovor bez obzira što je zakonska obaveza šta su posljedice ove odluke Evropskog suda za ljudska prava. Šta su posljedice ponovo Ustavnog suda FBiH koji je poništio određene odredbe odluke o komunalnim taksama. Jel se to održava ili ne odražava. Samo malo nisam čuo obrazloženje da li postoji ikakav program utroška sredstava za sport obzirom na povećanje 20.000,00 maraka gdje će kome će ići. Mi ovdje to ne znamo na vijeću. Tako da je sasvim logično da postavljamo pitanja i da tumačimo. Isto tako nemojte tako da još jedanput da spočitavate to da neko ne želi da pomogne Domu kulture i kao insituciji i radnicima, dakle od menadžera do radnika. Naravno da svi ovdje smo se izjasnili da želimo i to ćemo uraditi. Taj dio u odnosu na sve ono što je ostalo kao veo tajne do ovog perioda do kad ste dovedeni pred svršen čin je zapravo vaša odgovornost i inače mi nemamo informacija ovdje...postavljao sam i na prošloj sjednici vijeća ništa mi ne znamo šta se dešava u JU Narodna apoteka, ništa nismo znali o Domu zdravlja šta se tu dešava tamo. Ništa evo ne znamo mnogim ustanovama i preduzećima i onda dođemo evo vam Budžet evo dajte to nabrzinu načelniku 8 miliona neka on dalje nastavi raditi... vi ne morate baš puno pitati nemojte biti glupi pa da vam treba više od pet dana ovaj...

**Dopredsjedavajuća Aida Bašić**, hvala gospodine Feriću. Načelniče izvolite.

**Načelnik Mirsad Mahmutagić(replika)**,znate Feriću kad želite biti zlonamjerni onda vam je malo i 15 dana za 5 stavki a zaista se čudim da vam nije bilo dovoljno 15 minuta za predložene izmjene rebalansa Budžeta. Ja znam da je izborna godina, ja znam da ste vi uvijek spremni i radite na svakoj sjednici. Koliko puta ste poslije sjednice se nasmijali kad vam kažem da niste rekli istinu, da ste manipulirali nasmijete se pa onda kažete pa nešto sam morao reći. Doći ćete sad opet ovdje lupate, ne znate šta je u apoteci pa idite vijećnik ste što primete naknadu za vijećnika. Idite u apoteku, pitajte, pitajte Upravni odbor apoteke. Idite u Dom zdravlja, pitajte Upravni odbor. Pa najlakše je uzeti Budžet i doći za govornicu i ja nemam informacija. Možda nemam ni ja

informacija, možda nemam ni ja informacija ali ste vi osnivači. Bili ste i dopredsjedavajući vijeća jesi tražio informacije. Nemojte, izaći ćete..evo sada vam je gospođa Grahić objasnila 102.000,00 KM, pet MZ-a, projekat sa UNDP-om. Mi provodimo javne nabavke, mi Općina. Ono će doznačiti sredstva, mi plaćamo PDV na ukupan iznos javnih nabavki a onda će se za iznos sredstava UNDP-a taj PDV vratiti Općini nakon ne znam kojeg vremena zakonskog koji se provodi procedura. Dakle imate na sportu 20.000 maraka povećanje, vama treba program. Nakon što je klubovima poskupilo sve i prijevoz i hrana i voda i sve itd. Eh vama sad treba program prije nego što se usvoji. Ako je to dobronamjerno svaka čast.

**Dopredsjedavajuća Aida Bašić**, hvala načelniče. Izvolite gospodine Fermić.

**Vijećnik Hajrudin Fermić**, vrlo nekorektno od vas da je ovo predizborna kampanja. Kvalifikacija obzirom da ako malo uzmete i vi pa se vratite u ranije ove izvještaje i zapisnike vidjet ćete da je kontinuitet u zalaganju za poštivanjem procedura i zakonitosti od 2016.do današnjeg dana i vi to znate i to vam i smeta ovaj kod mene i u ovim diskusijama. Ono što sam izašao ovdje da repliciram ne načelniče vi ste ne vijećnik koji će hodati okolo i tražiti informaciju nego vi ste odgovorni za poštivanje zakonitosti rada opštinskih organa, javnih ustanova i preduzeća. Vršite nadzor kroz svoje službe i vaša je odgovornost i vaša je obaveza da informišete i dostavljate prijedloge Opštinskom vijeću ovdje da se poboljša, pomjeri itd. Sve ono što je potrebno dakle da bi se funkcionisanje tih javnih ustanova i preduzeća...odnosno onih djelatnosti za koje su i nadležni i registrovani da bi funkcionisalo normalno. Vi to niste radili mjesecima i negdje tamo rješavate i samo jedan podatak i završavam Budžet Opštine Tešanj je veći za 4,5 miliona u odnosu na onaj planirani iz 2022.godine, 4,5 miliona. Dakle Budžet Opštine Tešanj je od 2017. do današnjeg dana povećan za 35 %, to pokazuje razvoj te općine, kako god mi imali primjedbi i šta god govorili o tome a mi se nismo pomakeli od nekih 500.000 a i to je pitanje. Naravno da nije tema, pitanje samo zbog čega to nismo uradili i bolje bi bilo da poštujemo sve procedure i da zajednički rješavamo probleme kojih ima nego da se ovdje naduravamo.

**Dopredsjedavajuća Aida Bašić**, hvala gospodine Fermiću.

**Načelnik Mirsad Mahmutagić**, naravno da je izborna kampanja. Mislim izađete ovdje i kažete ja sam obavezan, pa znam ja šta sam obavezan i znam šta radim i znam s kim komuniciram i znam šta nam dolazi na vijeće.. pa evo i danas je nešto na vijeću da ispravimo. Nije se moglo ispraviti sve čarobnim štapićem u jednom trenutku ali su neke stvari ispravljene, rade ali ste vi zlonamjerna osoba u tom je fazon. Jeste pogledali Budžet Općine Tešanj zašto je veći toliko. Jeste pa jeste zaključili zašto je veći...a trebate pogledati šta je. To je jedna stvar, druga stvar pogledajte Budžet koliki je bio 2015.,2016., koliki je ovih godina na općini Maglaj. Dakle pogledajte to, to bi bilo korektno da pogledate ali niste korektna osoba o tome se radi. Meni je ovo mislim smiješno s vama polemisati vi da vam čovjek sve da što pomislite problem je vaše kafe, tarlahađa. Hajmo naći sad nešto drugo pa da napameno i to je problem koji se krije u vama nije u meni a sve što vas interesuje dođite tražite. Jeste tražili informaciju jednu od Općine kao vijećnik. Kad ste posljedni put tražili. Kad ste od mene posljedni put tražili. Nemojte mislim. To je..evo ti pričaj šta god hoćeš.

**Dopredsjedavajuća Aida Bašić**, hvala načelniče.

**Vijećnik Hajrudin Fermić**,ovako kao prvo tražio sam kroz vijećničko pitanje prije dvije sjednice spisak svih onih koji imaju obaveze, odnosno ko je uplatio sredstva po osnovu renti i naravno da nisam dobio, evo već 3-4 mjeseca tog odgovora, a stalno govorite pitajte, tražite, dobit ćete. Kao prvo kao vijećnik imamo pravo da postavljamo pitanje i pokrećemo inicijative vi imate obavezu da u određenom roku odgovorite ovako ili onako. Koliko poštujete znamo svi, kao drugo zaista nema potrebe da dižemo tenzije ovdje ja želim i tražit ću i tražim poštujete zakonske procedure, poštujete procedure, budite transparentniji, nemojte da ja govorim da ovdje sudska presuda za presudom samo iz kaprica i inata su na štetu Općine Maglaj. Nemoje zaista da to govorimo, nema potrebe, trebaju nam informacije ozbiljne, relevantne činjenice i sve će biti uredu.

**Dopredsjedavajuća Aida Bašić**, hvala Fermiću..

**Načelnik Mirsad Mahmutagić(ispravka krivog navoda)**, ne znam kakve veze imaju sudske presude sa ovom tačkom dnevnog reda ali evo dotaci ćemo se i sudskih presuda. Pomenuta je

ovdje firma TB Inženjering, ta firma je dobila Općinu Maglaj za radove 2014.godine u poplavi. Presuda je pravosnažna, presudu niko ne osporava. Na stranu da li je pravična. Onaj ko je se udubio u problem zna kako je došlo do toga, zna i kako je izazvan taj problem. Dakle presuda je pravosnažna, kao što su pravosnažne presude od Tomića iz 80.-tih godina pa na ovamo što ima i od uposlenika itd. Ovdje se zlonamjerno ovaj nameću neki zaključci, nisu tačni. Dakle u svakom Budžetu kao i ranijih godina i u mandatu predhodnog načelnika dakle nije to mogao načelnik promijeniti niti ja mogu promijeniti. U Budžetu se planiraju sredstva u skladu sa zakonom. Sredstva za izvršavanje pravosnažnih presuda. Da li su ona dostatna da se plate sve presude u jednoj godini, nisu neće biti ni u pet godina. Kažem vam da Tomići još nisu završeni iz 80-tih godina spor ali mi planiramo sredstva. Kad se usvoji Budžet mi ne raspoložemo tim sredstvima kako vi ovdje želite na nametnete ili kako pogrešno razumijete, nego dostavimo banci informaciju, akt o tome da je Budžet donesen, da se na toj i toj poziciji nalazi toliko i toliko sredstava namijenjenih za izvršavanje pravosnažnih sudskih presuda i banka po aktima suda vrši isplatu po prioritetima dakle isplatu sudskih presuda nikakvi kaprici ne isplaćuju, nego isplaćuje banka u skladu sa aktima pravosnažnih presuda. Najveća presuda protiv Općine Maglaj je TB Inženjering iz 2014.godine, radovi a presuda je bila nekad ovamo poslije 2016.godine i svjedok u korist Općine je bio bivši načelnik ali je donešena takva kakva je donešena i niko ne spori da Općina je dužna isplatiti ta sredstva. Isplatit će u skladu sa mogućnostima Budžeta.

**Dopredsjedavajuća Aida Bašić**, hvala načelniče, gospodin Vehabović izvolite konačno.

**Vijećnik Elvir Vehabović**, još jednom vas pozdravljam. Gospodin Fermić je rekao jednu rečenicu pa je mene povuklo da kažem još nešto. Kaže on da on ima povjerenje u šeficu računovodstva Dženanu Hadžiedhemović Grahić, ja baš iz tog razloga što nemam povjerenje tražim isto tako te dokumente. Zašto nemam povjerenje dotična gospođa je na sjednici Upravnog odbora održanog prvog aprila Doma zdravlja Maglaj dva puta slagala Upravni odbor da osnivač traži nešto od Upravnog odbora i zbog toga nemam povjerenja.

**Dopredsjedavajuća Aida Bašić**, hvala gospodine Vehabović. Fermić izvolite.

**Vijećnik Hajrudin Fermić(replika)**, pomenuo je dvije stvari, zakon jeste rekao da je u određenom procentu se planiraju sredstva za izvršne sudske presude ali to je ne znači da mi ne možemo drugačije. Dakle to želim da kažem. Druga stvar kad govorimo o toj presudi ja sam pomno pratio svaki izvještaj pravobranioca koji nam je dostavljao ovdje, govorimo o presudi TB Inženjeringa protiv Opštine Maglaj u kojoj je uvijek pisalo i gdje je ona navodila da su ljudi dobili za radove koje su izvršili 2014.godine poslije poplava da kad ste vi dolazili na mjesto načelnika da su vas predstavnici te firme nazvali i nudili vam nagodbu koju tada u tom trenutku niste mogli da prihvatite. Ima veze, ima veze...ovo je replika

**Dopredsjedavajuća Aida Bašić**, Fermiću sad završite molim vas i držite se dnevnog reda.

**Vijećnik Hajrudin Fermić**, završavam i replika je...pa naravno da buni ali hoću da se zna zato što ovdje kaže to je iz 2014.godine ovo su stvari iz 2018.godine i one se rješavaju zato što se nisu izvršile sudske presude. Ja samo na kraju želim da kažem ono načelniče zašto ja ovdje posebno potenciram i kritikujem i tražim da to da radite u skladu sa procedurama. Jeste ta neka nada i želja da ćete biti bolji nego oni predhodni, ništa više.

**Dopredsjedavajuća Aida Bašić**, hvala. Načelniče možemo li završiti.

**Načelnik Mirsad Mahmutagić(replika)**, ne može otići ovaj neistina u javnost, dakle radovi 2014.godine u poplavi ljudi su došli da rade u ime neke humanitarne organizacije i ostali su tu raditi. Poslije su ispostavili fakturu Općini, načelnik Mustabašić nije platio fakturu jer nije imao nikakav ni ugovor. Oni su došli tu, tražili su da im neko potpisuje evidenciju rada da mogu pravdati sredstva. Samo polako ja vas slušao, dakle tražilo se da se potpiše evidencija o radu da mogu pravdati humanitarnoj organizaciji. Nisam bio tada, nije bivši načelnik Mustabašić to potpisivao kao ovlaštena osoba, dakle potpisano je da su radili. Ljudi i jesu radili. Nemojte dovoditi u zabludu možda ne znate ili namjerno iznosite neistine. Dakle ja kad sam dolazio 2016.godine nije bilo presude ali sam imao telefonski poziv od vlasnika firme gdje mi je nuđen novac da ja stavim sebi u džep i da isplatim njima. Ne pada mi napamet ni vi ni bilo ko u ovaj džep neće staviti marku niti ta osoba. Na sudu je bilo, na sudu završeno mi ćemo platiti u skladu sa

mogućnostima i u skladu sa zakonom. Dakle u skladu sa zakonom a da imamo sredstva ja bih platio i radnicima, ima i radnika koji su dobili pravosnažne presude što neko nije htio uskladiti opet akte u skladu sa zakonom kao što je i ova sad priča sa Domom kulture. Imate da ne pominjem, ima tu par stotina hiljada maraka dužnih, Općina planira i izvršava u skladu sa zakonom.

**Dopredsjedavajuća Aida Bašić**, hvala načelniče. Nećemo više diskutovati na ovu temu. Znači imali smo dosta pitanja od strane vijećnika kada je pokrenuta tužba, šta je uzrokovalo dug vezano za Dom kulture a danas imamo prisutnog direktora Doma kulture i moram napomenuti i pozvat ću ga da nam odgovori, ponudi nam odgovore na ova pitanja. Također moram napomenuti da imamo dopis od gospodina Jurišića predsjednika Upravnog odbora JU Dom kulture koji nas informisao da neće danas moći prustvovati te da ovlašćuje direktora da se obrati vijeću. Izvolite gospodine direktore.

**Dragomir Dunder**, ja se zahvaljujem također, sve vas lijepo pozdravljam u svoje osobno ime i u ime ustanove Dom kulture Edhem Mulabdić. Da i ja nešto kažem vezano za ovu temu koja se tiče nas. Kao što sam rekao na jednoj od sjednica na kojoj je usvajano Izvješće o radu Doma kulture, ja znam jesam upoznat sa situacijom znači i prilikom primopredaje o čemu se radi da će pristići u periodu kada sam ja došao na..odnosno kada sam preuzeo mandat direktora javne ustanove. Još uvijek nije bila donešena presuda. Prvostupanjska presuda je donešena čini mi se nekad u 11-tom mjesecu. Mi smo putem našeg zastupnika Saše Mehinovića žalili se na tu presudu sa naravno postojećom argumentacijom koju smo imali. No međutim ta presuda je pala i donešena je drugostupanjska presuda tako da i nakon te drugostupanjske presude...a hoću vam reći samo znači imali ste informacije, prošli put sam rekao znači da postoji taj i u izvješću sam naveo da postoji ta presuda od jednog radnika koji je rekao da ne smijem koristiti njegovo ime i prezime da ga ne omalovažavam. Ja ću to ispoštovati iako znamo svi o kome se radi. Sama kronologija kako je došlo do toga ja sam ušao malo u retrospektivu i kroz pravilnike evo i dužan sam da vam odgovorim na to kako je došlo do toga. Načelnik je dotakao možda 99 % toga i rekao vam, znači postojao je Pravilnik o plaćama i osobnim naknadama koji se bio sastavni dio Pravilnika o radu, odnosno o sistematizaciji radnih mjesta koji je utvrdio nekakve koeficijente puno puno veće nego što su se isplaćivale plaće kad se pomnoži sad osnovicom, tako su mi u računovodstvu objasnili. Na osnovu tog Pravilnika je već bila jedna tužba i po mom saznanju već bila jedna tužba. Zašto taj Pravilnik nije ispravljan do mandata predhodnog Upravnog odbora koji su uvidjeli to. Zašto im niko nije skrenuo pažnju i od pravnikar i od tadašnjeg direktora ili direktorice ja to ne znam. Ja sam samo zatekao situaciju takvu kakva jeste i pokušali smo to ispraviti da je...nije pokušano sporazumno to dogovarati nije istina, ja sam prvi inicirao a vidio sam i kroz zapisnike predhoni sjednica Upravnog odbora da je i predhodna direktorica inicirala svaki put stavljala o na točku dnevnog reda da se pokuša dati informacija, da se pokuša iznaći neko rješenje. Ja sam pokušao da iniciram Upravnom odboru, da on donese ovaj zaključak kao što je i bilo da se sporazumno riješi i završi taj spor i takav zaključak je donesen na osnovu tog zaključka je nama advokatica tužitelja dostavila prijedlog. U prijedlogu jeste istina je na rate je bilo tamo, no međutim s obzirom na naše prihode i ukupan iznos kad se izračuna svih tih rata razlika je skoro minorna u odnosu na ovu ad presudu koja je sa zateznim kamatama. Tako da mi smo pokušali dati svoj prijedlog s naše strane, naravno uz suglasnot sa predsjednikom Upravnog odbora da to bude puno manji iznos, da se tužitelj odrekne dijela kamata, da to bude puno manji iznos no međutim mail koji je uslijedio poslije toga je izričito rekao ne ne ne dolazi u obzir. Dolazi samo onaj naš prijedlog i mi idemo u izvršenje navedene presude. Znači nije bilo uopće situacije da mi sjednemo i da se dogovorimo de možemo ići ovako može li se odreći dijela jer po prihodima koje mi imamo mi smo izračunali da nećemo biti u mogućnosti isplatiti ni taj iznos u ratama. Zato je došlo do ovoga. Zašto ko je kriv? Ja sam prošli put rekao nit luk jeo nit luk mirisao no međutim ja sam sada trenutno odgovorna osoba i odgovaram za ovu javnu ustanovu. Ko je kriv? Ja sa nadam da će se, da se treba ići i trebalo bi se ići u analizu da se vidi, da se utvrdi krivica iako je sudska presuda izvršna. Po zakonu je ono što je predsjedavajuća i iščitala, po zakonu odnosno pravilima ili statutu javne ustanove znači vijeće je osnivač i svoje obaveze Doma kulture odgovara supsidijarno u skladu sa zakonom.

Znači pomaže Domu kulture ukoliko Dom kulture nije u mogućnosti. Ja se nadam da sam dao određene odgovore ukoliko bude još pitanja tu sam.

**Predsjedavajuća Svjetlana Zamboni**, samo ako možete još odgovoriti na pitanje koje je vijećnik Jašić postavio za koji period se odnosi tužba tačno.

**Dragomir Dunder**, da da ja se ispričavam znači za period 2017,2018. i do donošenja izmjene Pravilnika znači to je prvi mjesec januar 2019.znači za taj period je tuženo. Znači nije ni za kakav period kasnije naknadnih nekih izmjena koeficijenata koje su kao bile itd. nego za taj period. U tom periodu ko je bio direktor zna se, Rašida Muhić direktorica.

**Dopredsjedavajuća Aida Bašić**, hvala.

**Dragomir Dunder**, vi ste tu, znači Općinsko vijeće je tu koje će tražiti znači putem Upravnog odbora da se pokrene procedura.

**Dopredsjedavajuća Aida Bašić**, hvala lijepo. Obzirom da nema više prijavljenih diskutanata, zaključujem raspravu i dajem pauzu od 5 minuta. Nastavljamo dalje. Prije glasanja po tački broj jedan imamo par prijedloga koji su došli od strane Kluba vijećnika SDA, tako da ćemo ih staviti kao set prijedloga. Imamo ustavri tri prijedloga, gospodin Salatović je predložio sa analitičkog dijela 613991 iznos od 10.000,00 KM da se prebaci na subvenciju prevoza đaka na analitički dio 23. Drugi prijedlog je došao od gospodina Abdurahmanovića da se sa analitičkog dijela 615117 iznos od 100.000,00 KM prebaci na analitički dio 614414 subvencija za poljoprivredu i treći prijedlog gospodin Jašić da se dio viška sredstva od 50.000,00 KM usmjeri na socijalno ugrožene kategorije, da se formira komisija koja bi izvršila zači procjenu dodjele jednokratne pomoći i drugi njegov prijedlog je bio da se izdvoje sredstva za infrastrukturne radove, obnove društvenog doma u Kopicama. Stavljam ovaj set prijedloga na.... Mislim da je služba davala odgovore, Dženana je odgovarala na ova pitanja. Mislim da se svi slažete da je Dženana odgovarala na ova pitanja evo ja ih sada stavljam na glasanje. Ko je za navedena prijedloge?

**Glasalo za:** Maid Suljaković, Eldis Kusr, Eldin Pehrat, Mirsad Bežić, Adis Abdurahmanović, Edin Salatović, Edin Osmić, Safet Jašić, Jasmin Begić( SDA), Elvir Vehabović (samostalni vijećnik)

**Glasalo protiv:**nema.

**Uzdržanih:**Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić( SDP), Mustafa Bešić (samostalni vijećnik), Pero Mamić (HDZ BiH), Aida Bašić(A-SDA), Hajrudin Ferić(DF).

Ovi prijedlozi nisu usvojeni. Idemo na glasanje vezano za tačku Odluka o izmjenama i dopunama Budžeta Općine Maglaj za 2022.godinu. ko je za ?

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić( SDP), Mustafa Bešić (samostalni vijećnik), Pero Mamić (HDZ BiH), Aida Bašić(A-SDA),. Elvir Vehabović (samostalni vijećnik)

**Glasalo protiv:** Maid Suljaković, Eldis Kusr, Eldin Pehrat, Mirsad Bežić, Adis Abdurahmanović, Edin Salatović, Edin Osmić, Safet Jašić, Jasmin Begić( SDA).

**Uzdržanih:** Hajrudin Ferić(DF).

Konstatujem da smo ovu Odluku usvojili.

## ZAKLJUČAK

1.1.a) Donosi se Odluka o izmjenama i dopunama Budžeta/Proračuna Općine Maglaj za 2022.godinu.

**AD – 2 Nacrt Odluke o usvajanju Nacrta djelimične izmjene Regulacionog plana „Liješnica“ – Plan poslovno radne zone „Liješnica“ (po zahtjevu Hajrudina Ahmetlića);**

**Dopredsjedavajuća Aida Bašić**, prelazimo na tačku dva Nacrt Odluke o usvajanju Nacrta djelimične izmjene Regulacionog plana „Liješnica“ – Plan poslovno radne zone „Liješnica“ (po zahtjevu Hajrudina Ahmetlića). Otvaram raspravu. Ispred službe su gospođe ovdje, da li treba? Ima li potrebe za uvodničarem. Ima, molim gospođu Hajrulahović da izađe po ovoj tački. Zamolit ćemo je da nam obrazloži sve ove tačke.

**Jasminka Hajrulahović**, sve vas srdačno pozdravljam i želim uspješan rad na današnjoj sjednici. Nadam se da ću i ja tako ovaj uspjeh na današnjoj sjednici umjesto svog šefa da vam dam dodatno obrazloženje vezano za ove odluke koje predlaže naša služba te da ćete potom donijeti i kvalitetne zaključke i na kraju usvojiti ove odluke. Mi smo vam danas ponudili za sjednicu vijeća četiri Odluke. U Prijedlogu su dvije koje ste vi već u Nacrtu raspravljali na predhodnim sjednicama a druge dvije se odnose na tek početnu fazu odnosno Odluke o pristupanju djelimičnoj izmjeni Regulacionog plana. Prve dvije Odluke odnose se na Odluku o usvajanju Nacrta djelimične izmjene Regulacionog plana Liješnica, plan Poslovno radne zone Liješnica i druga Odluka je Odluka o usvajanju Nacrta djelimične izmjene Regulacionog plana Centar Maglaj- sjeverni dio po zahtjevu Bašić Ragiba a prva Odluka je po zahtjevu Hajrudina Ahmetlića iz Tešnja. O ovim Odlukama ste vi raspravili na sjednici održanoj 16.05., na kojoj ste ovaj i donijeli Odluke o pristupanju, nakon tih donesenih odluka, služba je provela sve potrebne procedure, izvršen je odabir nosioca izrade. Nosiocu izrade su date potrebne smjernice, urbanističko tehnički uslovi kako bi se nastavilo sa radom prednacrta navedenih dokumenata. Osim toga u postupku davanja smjernica izrade urbanističko tehničkih uslova u Odluci o usvajanju Nacrta djelimične izmjene za poslovno radnu zonu, obavljen je kontakt i sa investitorima koji žele ulagati u ovoj poslovnoj zoni i raditi proizvodno poslovni objekat koji bi vjerovatno zapošljavao veći broj radnika i dobili smo i od njih određene sugestije o kakvom bi se to objektu radilo i kakav bi to poslovni razvoj te firme bio na području općine Maglaj. S tim u vezi smo iskoristili to sve i nastavili dalje procedure i doveli izradu ovih Odluka o usvajanju Nacrta djelimične izmjene poslovno radne zone Liješnica a tako i ove Odluke o usvajanju Nacrta djelimične izmjene Centra Maglaj-sjeverni dio. Nadam se da smo dovoljno dali obrazloženja uz ove odluke ako ste ih pročitali mogli ste hronološki da vidite šta smo sve odradili, proveli zakonom predviđenu proceduru. Nakon usvajanja a ja se nadam da ćete usvojiti danas ove odluke mi nastavljamo dalje postupke predviđene zakonom o prostornom uređenju. Ići ćemo na javni uvid i javnu raspravu. Omogućiti svim zainteresiranim da se uključe u proces da daju svoja mišljenja, sugestije a potom da možemo raditi Prijedlog Odluka i ponovo vama proslijediti na Općinsko vijeće. To se odnosi na ove dvije Odluke.

**Predsjedavajuća Svjetlana Zamboni**, Jasna oprostite kod ove dvije tačke samo da napomenete da su bili zahtjevi nekih mogućih investitora vezano za tu zonu.

**Jasminka Hajrulahović**, to je kad je u pitanju Odluka Centar Maglaj-sjeverni dio. Ja nisam dobila taj zahtjev vjerovatno je to došlo na Općinskog vijeće, međutim u postupku javnog uvida i javne rasprave svi zainteresirani građani koji budu imali potrebu, koji hoće da se zainteresiraju o kakvoj se izmjeni i dopuni radi mogu se uključiti i dati svoje sugestije. Mi ćemo svakako provesti postupak javnog uvida, javno to obavijestiti na sredstvima javnog informiranja i svakako uzet ćemo u obzir i taj zahtjev koji će vjerovatno doći do nas i vidjeti da se u sklopu ovog zahtjeva ako bude moguće rješava i zahtjev tog zainteresiranog investitora. To vam je eto dodatno obrazloženje za ove dvije prve Odluke, nadam se da je dovoljno jasno. Ovo se odnosi na Nacrte a redovna procedura je određena već u Odluci o pristupanju to je bilo na prošloj sjednici. Da ne bude zabune, to je već riješeno. Kad su u pitanju ove dvije Odluke o pristupanju znači one tek sada dolaze na Općinskog vijeće po zahtjevima investitora iz Kosove. Znači radi se o dva investitora, to je Husić Eldin iz Kosove i Mešić Elvir iz Kosove koji su podnijeli svoje zahtjeve da se pokrene postupak izmjene Urbanističkog plana Kosova. Do sada možda vam je ovo malo zabunu napravilo što u naslovu stoji ovdje Urbanističkog plana, do sada ste vjerovatno uvijek imali Regulacione planove jer se to većinom odnosilo na gradsko područje i van gradsko područje gdje su doneseni detaljni planski dokumenti. Za područje Kosove u jednom dijelu, gornjem dijelu magistralnog puta urađen je Regulacioni plan 2003.godine a u 2012.godini za donji dio ovaj područja Kosova znači ispod magistralnog puta i rijeke Bosne rađen je planski dokument u 2012.godini na nivou Urbanističkog



plana a to podrazumjeva ovaj izradu namjene površina određenih površina za određenu namjenu za izgradnju objekata sa urađenim saobraćajnim rješenjem što ne daje detaljnu sliku, ne daje detaljnu grafiku kao što to radi Regulacioni plan. Znači na tom nivou je donesen taj plan upravo iz razloga jer smo imali nekih već problema kroz primjenu ovog plana iz 2003.godine i nismo htjeli da idemo u detaljnu parcelaciju nego smo na nivou Urbanističkog plana prije toga je bio urbanistički red te je poslije toga uslijedila izmjena i dodat naziv Urbanistički plan Kosova. Pomenuti investitori traže da se na njihovom zemljištu na kojem je predviđena izgradnja određenih dijelova saobraćajnica koji čine raster planiranih saobraćajnica na ovom području vrše izmjene i korekcije u smislu da se na određenim dijelovima brišu te saobraćajnice i da se omogući njima gradnja u okviru njihovog vlasničkog zemljišta objekata koji oni žele da rade. To su otprilike poslovno stambeni objekti i stambeni objekti. Razmatrajući navedene zahtjeve mišljenja smo da treba pokrenuti proceduru i da se u postupak da se krene i da se vidi u određenim dijelovima su dati rasteri planiranih saobraćajnica na manjim površinama tako da su nam manje površine. Na manjim površinama su date uporedne saobraćajnice jer se vjerovatno mogu raditi neke djelimične korekcije i izmjene u smislu da se vidi da li postoji način i omogući tim vlasnicima investitorima da grade objekte a da se time ne narušava osnovni koncept i ne utiče na zemljište susjednih vlasnika koji vjerovatno imaju interesa da i oni grade na svom području a da se na njihovom zemljištu ne dozvoli gradnja tih planiranih saobraćajnica nego da se nađe neko drugo rješenje koje će zadovoljiti potrebe i ovih investitora i drugih ljudi koji žive na tom području. U tom smislu mi smo i predložili da idu ove Odluke u proceduru, što se tiče provedenih postupaka da li će to biti redovni postupak ili skraćeni postupak mi imamo ovdje u obrazloženju uvijek napišemo i izvučemo iz zakona i damo mogućnost da razmatrate vi i o tome donesete konačne zaključke jer je to dozvolio i zakon. Znači postoji redovna procedura i skraćena procedura. Skraćena procedura u svakom od ovih slučajeva ide u postupcima gdje se bitno ne utiče na osnovi koncept planiranih rješenja iz planskog dokumenta. U ovom slučaju se treba uključiti veći broj zainteresiranih ljudi, građana koji tu žive i predložimo da ide redovna procedura. Ni u kom slučaju skraćeni postupak, idemo u proceduru pa vidjet ćemo šta će se u konačnici desiti eto. Ako ima određenih pitanja ja ću dati obrazloženje.

**Dopredsjedavajuća Aida Bašić**, hvala vam lijepo. Ukoliko bude pitanja vi ste tu. Obzirom da sam otvorila raspravu. Da li se neko javlja za diskusiju. nema niko. Zatvaram raspravu i dajem Nacrt Odluke o usvajanju Nacrta djelimične izmjene Regulacionog plana „Liješnica“ – Plan poslovno radne zone „Liješnica“ (po zahtjevu Hajrudina Ahmetlića) na glasanje. Rečeno je 30 dana javni uvid i javna rasprava u skladu sa Prijedlogom.

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Elvir Vehabović (samostalni vijećnik), Maid Suljaković, Eldis Kusur, Eldin Pehrat, Mirsad Bejić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA), Hajrudin Fermić (DF).

**Glasalo protiv:** nema.

**Uzdržanih:** nema.

Konstatujem da smo jednoglasno usvojili ovu Odluku.

## ZAKLJUČAK

2.1. Donosi se Nacrt Odluke o usvajanju Nacrta djelimične izmjene Regulacionog plana „Liješnica“ – Plan poslovno radne zone „Liješnica“ (po zahtjevu Hajrudina Ahmetlića).

**AD – 3 Nacrt Odluke o usvajanju Nacrta djelimične izmjene Regulacionog plana „Centar Maglaj – sjeverni dio“ (po zahtjevu Ragiba Bajrića)**

**Dopredsjedavajuća Aida Bašić**, prelazimo na tačku tri a to je Nacrt Odluke o usvajanju Nacrta djelimične izmjene Regulacionog plana „Centar Maglaj – sjeverni dio“ (po zahtjevu Ragiba

Bajrića) u skladu sa uputom službe, znači javni uvid i javna rasprava, rok 30 dana. Otvaram raspravu. Zatvaram raspravu i stavljam na glasanje. Ko je za?

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Elvir Vehabović (samostalni vijećnik), Maid Suljaković, Eldis Kusur, Eldin Pehrat, Mirsad Bejzić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA), Hajrudin Fermić (DF).

**Glasalo protiv:** nema.

**Uzdržanih:** nema.

Konstatujem da smo jednoglasno usvojili ovu Odluku.

## Z A K L J U Č A K

3.1. Donosi se Nacrt Odluke o usvajanju Nacrta djelimične izmjene Regulacionog plana „Centar Maglaj – sjeverni dio“ (po zahtjevu Ragiba Bajrića).

**AD – 4 Prijedlog Odluke o pristupanju djelimičnoj izmjeni Urbanističkog plana „KOSOVA“ (po zahtjevu Elvira Mešića)**

**Dopredsjedavajuća Aida Bašić,** prelazimo na tačku četiri Prijedlog Odluke o pristupanju djelimičnoj izmjeni Urbanističkog plana „KOSOVA“ (po zahtjevu Elvira Mešića), redovna procedura. Ko je za ?

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Elvir Vehabović (samostalni vijećnik), Maid Suljaković, Eldis Kusur, Eldin Pehrat, Mirsad Bejzić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA), Hajrudin Fermić (DF).

**Glasalo protiv:** nema.

**Uzdržanih:** nema

Konstatujem da smo jednoglasno usvojili ovu Odluku.

## Z A K L J U Č A K

4.1. Donosi se Odluka o pristupanju djelimičnoj izmjeni Urbanističkog plana „KOSOVA“ (po zahtjevu Elvira Mešića)

**AD – 5 Prijedlog Odluke o pristupanju djelimičnoj izmjeni Urbanističkog plana „KOSOVA“ (po zahtjevu Elvira Husića)**

**Dopredsjedavajuća Aida Bašić,** prelazimo na tačku pet Prijedlog Odluke o pristupanju djelimičnoj izmjeni Urbanističkog plana „KOSOVA“ (po zahtjevu Eldina Husića). Ko je za ?

**Glasalo za:** Svjetlana Zamboni, Elvir Arnautović, Mirza Bradarić, Fikret Delić, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Elvir Vehabović (samostalni vijećnik), Maid Suljaković, Eldis Kusur, Eldin Pehrat, Mirsad Bejzić, Adis Abdurahmanović, Edin Salatović, Edin Osmić, Safet Jašić, Jasmin Begić (SDA), Hajrudin Fermić (DF).

**Glasalo protiv:** nema.

**Uzdržanih:** nema

Konstatujem da smo jednoglasno usvojili ovu Odluku.

## ZAKLJUČAK

5.1. Donosi se Odluka o pristupanju djelimičnoj izmjeni Urbanističkog plana „KOSOVA“ (po zahtjevu Eldina Husića).

**Dopredsjedavajuća Aida Bašić**, hvala lijepo. Prelazimo na vijećnička pitanja i inicijative. Gospodine Fermić Izvolite. Izvini Ferma nisam vidjela gospodin Begić je prvi.

**Vijećnik Jasmin Begić**, evo ovako ja vas sve selamim i pozdravljam pošto nisam izlazio za govornicu. Imam inicijativu jednu da se ulica Srebreničkih žrtava rata obustavi za saobraćaj za dane vikenda i to od petka 16h do nedjelje 24h, od raskrsnice ulica Sulejmana Omerovića Cara do raskrsnice ulica Prvog marta. Obrazloženje navedena ulica je atraktivna za šetače kao i bicikliste kojih je sve više. Iz razloga što je dosta svježije pored rijeke Bosne u odnosu na ulice koje se nalaze u samom centru grada. Mislim da bi navedena inicijativa bila od koristi za naše najmlađe sugrađane koji bez problema sa svojim roditeljima učili voziti biciklo, role, skutere itd. Kao i za ostale sugrađane da bez opterećenja nesavjesnih vozača mogu u miru prošetati bez buke uz rijeku. Ove primjere imamo i u drugim gradovima kako u zemlji tako i u inostranstvu poput Sarajeva, poput Banovića, Tuzle itd. Dok bi naravno građani koji žive u tom prostoru mogli uz određeno odobrenje koristiti svoje ulaze ukoliko nemaju alternativnih prilaza.

**Dopredsjedavajuća Aida Bašić**, hvala gospodine Begić, gospodin Fermić.

**Vijećnik Hajrudin Fermić**, čitajući zapisnik Kolegija Općinskog vijeća Maglaj zapazio sam jedan problem, jedno pitanje koje se pojavilo tamo a nije došlo na Opštinsko vijeće a to je pitanje postojanja odnosno upućivanja peticije od nekih 200 potpisa mještana Bradića a kada je u pitanju prijevoz putnika željeznicom. Naime oni su pokrenuli inicijativu da se to jel, da se vrati taj nekakav voz lokalni koji bi prevezio. Iz tih razloga moram podsjetiti da Zakon o komunalnim djelatnostima naveo da je obaveza Općine regulisanje javnog prijevoza. Mi to nikad nismo uradili. Nikad nismo regulisali obaveze nadležnosti moduse regulisanja i puno je problema na terenu. Naprimjer građani Bočinje i Ulišnjaka apsolutno nemaju nikakvog javnog prijevoza a evo problem je i kada su u pitanju Bradići Fojnica itd. Članom 6. Zakona o komunalnim djelatnostima je propisano da Općina obezbeđuje komunalne djelatnostima je propisano da Općina obezbeđuje obavljanje komunalne djelatnosti pa u članu 3. Zakona kaže da je u komunalne djelatnosti spada i obavljanje javnog prijevoza putnika. Član 12. Statuta Općine Maglaj o svojim nadležnostima u alineji 20.kaže da je nadležnost Općine Maglaj organizovanje i unaprijeđenje lokalnog javnog prijevoza. Pokrećem inicijativu da se za narednu sjednicu Općinskog vijeća Maglaj uvrsti u dnevni red tačka pod nazivom Informacija o problematici javnog prijevoza na Općini Maglaj koju bi pripremile Služba za privredu i Služba za urbanizam a u kojoj bi osim opisa stanja lokalnog javnog prijevoza autobus, taxi, voz itd.na relacijama na lokalnim pravicima imali i učestalost linija kao i u praksu rješavanja ove djelatnosti u općinama, neku uporednu analizu kako su to riješile općine i gradovi u FBiH i koje imaju i koje nemaju javna preduzeća. Drugo, već duži vremenski period u gradu Maglaju se putem mjernih uređaja registruje stepen zagađujućih materija u zraku gdje se na zvaničnim portalima objavljuju količine tih materija opasnih za zdravlje ljudi. Tokom mjeseca jula posebno od 07.jula u Maglaju je prema parametrima sa mjerne stanice svakodnevno prisutna povećana koncentracija sumpor dioksida kao i jedinjenja O3 i dobija kvalifikaciju od nadležnih institucija kao zrak zagađen, umjereno zagađen itd a često prelazi i dobija prag takozvane uzbune. Nismo do sada imali ni jednu intervenciju, uputu ili savjet od strane Civilne zaštite upućen građanima u cilju zaštite. Jer je jedna i druga materija opasna za zdravlje ljudi. Zato pitam i tražim pismenim odgovor koji normativni akti i kad su doneseni koji uređuju postupanje Opštinskog štaba Civilne zaštite u pogledu preventivnih mjera i mjera spriječavanja zagađenosti zraka i zašto se ne primjenjuje plan interventnih mjera u slučajevima prekomjerne zagađenosti zraka na području

ZDK iz 2013.godine a koji je na snazi. Pokrećem inicijativu da što prije nadležna služba, Služba za urbanizam pripremi a načelnik donese odluku o načinu korištenja tvrđave Gradina za razne manifestacije, označavanje simbola, obilježja i slično. Da istu objavi i na web stranici i Službenim novinama Općine Maglaj. Obzirom da se vrlo često dešava da određeni pojedinci i grupe koriste Gradinu za obilježavanje određenih događaja a da se često dešava kao što se to sada dešava da se ne zna rok za uklanjanje postavljenih simbola čime zbog posljedica vremenskih uslova se pretvaraju u ruglo i sramotu. To je potrebno radi očuvanja digniteta samih tih događaja i datuma urediti ovu oblast. Ovim predlažem i da Općina Maglaj procijeni svrsishodnost nabavke projektora koji bi se koristio na zidinama tvrđave a za označavanje posebnih događaja i datuma. Napominjem da prije donošenja ovakve Odluke ukoliko je potrebno konsultuje se nadležne insitucije za očuvanje kulturno-historijskih spomenika a rukovanje projektorom može biti povjereno i angažmanu trećih lica.

**Dopredsjedavajuća Aida Bašić**, hvala gospodine Fermiću. Molim vas, gospodin Abdurahamnović.

**Vijećnik Adis Abdurahamnović**,postavljam vijećničko pitanje i tražim ime i prezime odgovorne osobe. Naime radi se o sljedećem 16.05.2022.godine na 15. redovnoj sjednici Općinskog vijeća imali smo tačku Dnevnog reda Odluka o imenovanju povjerenika MZ-a na području općine Maglaj. Općinsko vijeće je donijelo jednoglasnu Odluku da se povjerenicima daje mandat na 60 dana uz obavezu izbora organa MZ-a. Ukoliko se to ne desi resorna služba preuzima odgovornost za provođenje izbora u MZ-a. To ste svi svjedoci da je takva odluka donešena. Dalje u Službenim novinama broj 5/22 strana 698. član 3.stoji sljedeće da mandat povjerenicima teče od 01.05.2022.godine znači 16. dana prije nego što je održana uopće sjednica kada im je produženo kao i to da je mandat dat na 90 dana. Ja se pitam tko se stavlja iznad ovog Općinskog vijeća i u Službenim novinama objavljuje suprotno onome što je jednoglasno donese Općinsko vijeće. Po ovom a provjerite ja imam ovdje Službene novine imam i Zapisnik. Po ovome mi ovdje ne treba ni da sjedimo, neka objavljuju šta hoće i neka rade kako hoće.

**Dopredsjedavajuća Aida Bašić**, hvala Abdurahmanović. Gospodin Kusur izvolite.

**Vijećnik Eldis Kusur**, ništa pošto ja nisam izlazio nikako danas, ja selamim i sve pozdravljam. Evo završavamo. Ništa ja samo pokrećem inicijativu za rješavanje dugogodišnjeg problema vodosnabdjevanja naseljenog mjesta Domislica i to da se nadležna služba aktivno uključi u rješavanje ovog problema. Mnogo sredstava je do sada uloženo a mi nemamo trenutno vode. Znači po 3-4 dana nemamo vode. Tražim od Općine Maglaj da se sa nadležnom službom i zajedno sa predstavnicima naseljenog mjesta Domislica krene konačno rješavanje problema vodosnabdjevanja naseljenog mjesta Domislica. Jedno pitanje koje ću dostaviti u pismenoj formi. Postavljam pitanje nadležnoj službi da li je do sada pokrenula inicijativu, to jeste aktivnosti oko rješavanja snabdjevanja električno energijom naseljenog mjesta Domislica jer sam ja u par navrata ovdje za ovom govornicom pitao o tom problemu i interesuje me. Nisam dobio nikakvu povratnu informaciju da li je se krenulo u rješavanje ovog problema jer mi kad dobijemo vodu, nestane nam struje, kad dobijemo struju nestane nam vode. Tako da jednostavno imamo probleme.

**Dopredsjedavajuća Aida Bašić**, hvala gospodine Kusur, gospodin Galijašević izvolite.

**Vijećnik Firuz Galijašević**,postavljam vijećničko pitanje načelniku općine Maglaj, molim načelnika i resorne službe koje su nadležne za javne ustanove i preduzeća da provjere i da mi dostave informacije u pisanoj formi da li i jedna javna ustanova na području općine Maglaj i javno preduzeće i jednom uposleniku isplaćuje dodatak na platu za minuli rad za 40 i više godina staža, a ako isplaćuje zašto tom zaposleniku nije prestao radni odnos zbog ispunjavanja uslova za penziju po sili zakona.

**Dopredsjedavajuća Aida Bašić**, hvala. Gospodin Suljaković izvolite.

**Vijećnik Maid Suljaković**, ja neću postavljati pitanje ni inicijative ali obzirom da je ova tačka dnevnog reda dostavio sam i pitanje i inicijativu na pretprošnoj sjednici i mislim da je u Pravilniku rok za odgovor na pitanje 30 dana. Redovno se ne odgovara na pitanje pa me zanima ko je u Općinskom vijeću, odnosno rukovodstvu Općinskog vijeća odgovoran za realizaciju pitanja i inicijativa od strane vijećnika, kakva je hronologija postupaka itd. i kada će biti odgovori.

**Dopredsjedavajuća Aida Bašić**, dobit ćete u pisanoj formi odgovor. Ima li još neko. Svjetlana izvolite.

**Vijećnica Svjetlana Zamboni**, evo samo zato što sam predstavnicima MZ Bradići obećala da ću pokrenuti inicijativu a Kolegij informisala o tome vezano za dakle potpis ovaj za uvođenje redovne linije Maglaj-Zenica –Maglaj, evo samo i ja ću još samo reći da će Općinsko vijeće odnosno upućujem inicijativu da se nadležne službe založe za vraćanje te redovne linije kako bi se ispunile egzistencijane potrebe građana MZ Bradići ali i šire.

**Dopredsjedavajuća Aida Bašić**, hvala. Gospodin Bešić izvolite.

**Vijećnik Mustafa Bešić**, evo ovako ne mogu da se ne nadovežem na Kusurovo izlaganje znači činjenica je da mi u Domisluci stvarno imamo problema i to dugi niz godina po pitanju vodosnabdjevanja, električnom energijom. Znači mi ko da smo kažnjeni što se tiče vode gore a Bogami i struje. Ono što imam ja informaciju dobru jednu, mislim da je dobra što mi je direktor poslovnice Maglaj prenio znači da smo eto akobogda bar dobit ćemo u ovoj godini riješeno pitanje električnom energijom. Znači gdje će se uraditi jedna trafo stanica. Znači dobio sam opis rada, dobio sam sve, gdje će se uložiti oko 126.000 maraka. Bar ćemo po pitanju te struje riješiti. Mada pitanje struje stvarno je kao mi koji plaćamo gore redovno ne bi trebali uopšte da razmišljamo o tome. Znači imaju ljudi koji vrše naplatu, koji vide koliko puta u mjesecu evo pogotovo sad u zadnjih 15-20 dana nam je nestalo 3-4 puta vode. Da ne pričamo, znači mi se kupamo iz lonca to je činjenica sramota jeste u ovom vaktu, 21.vijeku vjerujemo da ćemo naći rješenja, da će nam Općina pomoći i viši nivoi, da pitanje jednom zavijeka riješimo vodosnabdjevanje naseljenog mjesta Domisluka. Eto toliko.

**Dopredsjedavajuća Aida Bašić**, hvala gospodine Bešiću. javljam se za riječ.

**Vijećnica Aida Bašić**, ja nemam inicijativu nego pitanje za JU Dom zdravlja Maglaj, odnosno pitanje građana da li se u Hitnoj službi plaća pregled, u kojim slučajevima, na osnovu čega i koji je iznos koji se plaća. Hvala lijepo.


**Dopredsjedavajuća Aida Bašić**, na insistiranje šefice službe, obzirom da se javljala a ja sam uspjela zaključiti raspravu. Želi da se obrati, odnosno da iznese svoj stav.

**Dženana Hadžiedhemović Grahić**, hvala. Ja sam tražila ali dopredsjedavajuća je već uspjela zaključiti javnu raspravu. Žao mi je što nisu svi vijećnici prisutni tu. Konstatacija koju je odnosno rečenica koju je iznio vijećnik Elvir Vehabović za ovom govornicom gdje kaže da je Dženana Hadžiedhemović Grahić slagala na sjednici čime dirketno urušava moj ugled ali o tom po tom to će ovaj , to ćemo na drugi način riješiti želim samo da kažem. Ja sam razumjela šta je on htio da kaže. On je htio da kaže da sam ja na sjednici rekla Upravnog odbora kao što i jesam, da osnivač traži od Upravnog odbora, odnosno od menandžmenta da nađe šta je to što pravi minus Domu zdravlja, da se urade normativi, da se vide gdje su ti gubici i kako da se poprave ti gubici. Politika poslovanja da se uskladi. Vijećnik Elvir Vehabović zamjera što sam ja rekla da dolazim ispred osnivača, jer zaista prema Zakonu o zdravstvenoj zaštiti stoji da je osnivač javnih zdravstvenih ustanova na području općina Općinsko vijeće, međutim u osnivačkom aktu Dom zdravlja stoji da je Odluku o osnivanju u ime općinskog vijeća donio Općinski načelnik. taj osnivački akt nisam pisala ni ja ni ovaj načelnik. To su dokumenti koji su iz ranijeg perioda. Prema tome odavdje je izašla jako loša poruka ali to je bilo znači Dženana nije slagala ništa drugo. Ovo zaista ne želim i nemam namjeru da se pravdam nego samo da ne bude obzirom da se obmanjuje javnost i dovodi u zabludu. Eto samo to.

**Dopredsjedavajuća Aida Bašić**, hvala Dženana. Zaključujem 18.redovnu sjednicu Općinskog vijeća.

Sjednica završena u 10:37h.

Zapisničar  
Elza Gračić



PREDSJEDAVAJUĆA  
Svjetlana Zamboni

